

المدينة الجديدة

مسرح ناصر العزبي

إصدارات الرواد — العدد 57 — 2000

المدير العام
مجدى أمين عريض

رئيس التحرير
سمير الفيل

أمين عام النشر
محمد العتر

مدير التحرير
ناصر العزبى

مستشار التحرير

مصطفى العايدى
محمد علوش

اقراء

بالا ..

الصديق الكاتب محمد التريفي ..
الناقد المرموق عبد الرزاق أبو العلا ..
الكاتب عبد الغني وادو ..
أصحاب الودائع النبيلة من
أبناء مدينة التي أحببناها

بالا

ناصر نا الكبير عبد الرحمن اللانودا

ناصر العربي

تقديم

قليلون هم الذين يؤمنون أن الفن قضية حياة .. وأن
الفن رسالة ، بل أرقى رسالة في حياة الإنسان ..
من هؤلاء الفنان ناصر العزبي الذي جعل من الفن —
وخصوصاً المسرح — قضية حياته التي عاش ويعيش من
أجلها ..

وشموله الفن أو تعدد مواهبه الإبداعية يجعلنا نسأل
سؤلاً هاماً : أترى أن ناصر العزبي قد سقط سهواً من
عصر سابق كان يتسم كُتّابه وفنائه بالشمول .. وتعدد
الأنشطة الفنية والثقافية ؟

أبو العلا السلاموني
من مقدمة المجموعة المسرحية
" حالة كساد " للمؤلف
٩٩/١/١٥

هذا الرجل — ناصر العزبي — في حد ذاته مسوح ..
مسرح كامل ، صالح للأطفال والكبار ..
قرأت أعماله على غير سابق معرفة ... وأشهد الله
أنها كانت قادرة على أن تخرجني من العباءة السوداء التي
لفت أيامي في ظرف قاس من ظروف الحياة وقتها التي
تفرض نفسها علينا

إن ناصر العزبي مسرح ، ومسرحية ، ومسرحي
عبد التواب يوسف
من مقدمة المجموعة المسرحية
" حلم فصيح " للمؤلف
١٩٩٨/٨/٤

مسرح ناصر العزبي أفضل بكثير من المسرحيات التي أجمع كل من شاهدها على أنها هابطة شكلاً وموضوعاً ولا هدف غير إثارة الضحك بوسيلة غير فنية لأن الضحك بالوسائل المسرحية الفنية له قيمته .

عبد الفتاح البارودي

" أخبار اليوم " - للنقد فقط ٩٠/٩/١٨ .

لقد أحيا المعد ناصر العزبي شخصيات الديوان (أم علي ، فتحية ، أبو زعزوع ، إبراهيم أبو العيون ، أبو زعزوع ، ...) شخصيات الشط ، نجح في جعلها شخصيات تتحرك على المسرح ، لقد رَدُّنا إلى مرحلة الاستنزاف ، فعشنا على مدى ساعتين تقريباً مع الحرب وصوت المدافع .

عبد الرحمن الأبنودي

الأربعاء ٩٧/١٠/١٥ تعقيباً على مشاهدته

" حكاية من الشط " على المسرح العام

تكتسب المسرحية أهميتها الكبيرة خاصة أنها استفادت من المناهج الفنية المعاصرة مثل المسرح الشامل والمسرح الملحمي ، والمسرح الفقير .
لقد ظهر الجهد الهائل الذي بذله فريق العمل وعلى رأسهم ناصر العزبي المؤلف والمخرج ، الذين تمكنوا من تقديم عرض لا تنقصه عناصر التشويق والإثارة والعمق الفني والفكري على السواء

د. صلاح السروي

تعقيباً لمشاهدته لمسرحية " التوهه "

في مؤتمر دمياط الأدبي الخامس ٩٦/٨/٥

عصافير خضراء

أكتوبر ١٩٩٩

الشخصيات :

أسعد
الأب
الأم
البرجيسي
الونش
عائش
عسكر — جيران

عن قصتي " الصندوق " ، " ثلاثة عصفير خضراء
للكاتب أحمد زغلول الشيطي

— موسيقى يتخللها زقزقة عصافير —
(يتجه أسعد إلى " لمبة جاز " يشعلها ..
يتحرك بها إلى قفص به عصفوران ..
يبدأ فى وضع الأكل لهما .. يتحدث إلى
العصفورين ..)
أسعد : عاملين أيه ؟ طبعاً زى كل يوم ، لازم
أطمئن عليكم .. أحنا بقينا أصدقاء .. مش
انتو برضه كده .. عندى إحساس أنكوا
مبسوطين بصدافتنا دى .. تصوروا أنى
بقيت مرتبط ببيكوا ؟! حياتكوا بقت مرتبطة
بوجودى هنا . الإحساس بانك تكون
مسئول شىء جميل يحسبك بالأهمية ..
وعشان الارتباط ده ، مقدرش أسيب
المكان ده وأمشى .. ألكوا وشربكوا ؟!
مقدرش أتخيل أن بعدى عن هنا يمكن
يسبب موت روحين .. أنا فكرت أنى
أسيبكوا تطيروا .. لكن ؛ مش ضامن حد
يرعاكوا .. !
كمان أنا عندى إحساس غريب بانى لو
فتحتلكوا الباب مش هتطيروا الإحساس
الأغرب ؛ إنى بدأت أفكر فى إنكوا إالى
جيتوا القفص ده بنفسكوا .. أنا باشكركوا
لموقفكم ده إالى بيحسنى بأن لى أهمية
.. الإحساس بالأهمية شىء جميل : أسعد
عنده .. بن الأسطى عبده الأوميجى إالى

فى حارة معرى له أهمية عند مخلوقين من
مخالق ربنا أقولكوا حاجة متستغريوا
منها قوى .. أنا فى بعض الأوقات باتمنى
أكون فى قفص زيكوا كده .. بس ما
أكونش بعيد عن اللي بيرعانى
(يطفىء " لمبة الجاز " ناحية العصافير
ثم يتحرك إلى المقعد الخاص به ليجلس
عليه بجوار " لمبة جاز " أخرى تضام
إضاءة خافتة .. يدخل الأب .. الأم تجلس
على الأرض أمام " وابور جاز ")

الأب : أسعد نام ؟

الأم : بيذاكر على لمبة الجاز .. أجييلك لقمة
تاكلها ؟

الأب : إعملى شاي

(يتجه إلى العصافير .. يقف أمامها)

الأب : والعصافير ؟

الأم : أظمن .. أسعد دايم البص عليها .. ديما
يرعاها فى غيابك .. " تتحرك له " نويت
على إيه ؟

الأب : ...

الأم : يعنى إالى فى دماغك فى دماغك . أنا مش
عارفة إزاي بتفكر ؟!

الأب : ..

الأم : ما بتفكرش إلا فى نفسك ؟

الأب : الله يسامحك

الأم : طب وأنا ..؟! وأسعد ابنك ..؟!!

ما فكرتش هنعمل أيه فى غيابك ؟ بلاش
السفر يا عبده .. فيه ألف طريقة غير
السفر .. لكن بلاش ..
(يضع يده على فمها لمنعها من
الاسترسال .. يبدو أنه قد انتهى من اتخاذ
قراره)

الأب : " فى هدوء " شوفى الشاى إالى عالنار -
الأم : (تتجه ناحية الشاى الذى على "الوابور")
يا أبو أسعد أنا خايفة عليك .. الناس
بتموت فى الغربية

الأب : وهنا ما بيموتوش !!
الأم : هنا عايشين ..
الأب : يمكن .. صنى الشاى
(يدخل الطفل أسعد .. يحتضنه الأب)

أسعد : هتسافر بابا ؟
الأب : وهاسيبك راجل موجود فى البيت
أسعد : هتروح فى المركب زى ما ديمآ بتقولى ؟
الأب : فى البلاد البعيدة .. إالى وري البحر
هاعرف أجيبك كل إالى تعوزه ، وإالى
بتحلم به هيجيبك

أسعد : المحل مش هيتقفل بابا ..
الأب : عشت يا أسعد .. بعد المدرسة تيجى يوميا
تفتح وترش المية قدام الباب .. وتأكل
العصافير، وإن حبيت ؛ ذاكر برضه هناك
(يخرج الأب - نقلة موسيقية - من
الممكن موال مصاحب للمعادل الحركى ..

أسعد يتحرك إلى العصفير .. "يشعل لمبة"
الجاز .. الأم تظهر في السلويت الخلفي
.. تنام على السرير .. معادل حركي
نشعر بحاجتها كأنثي إلى رجل .. نشعر
بوحدة الابن .. بشكل عام نشعر بغياب
رجل البيت)

أسعد : (يخاطب العصفورين)

مقدرتش أتخيل يوم إن محل أبويا ممكن
يتقفل .. لازم رحته تكون موجودة ديماً
في الحارة .. عشان كده أنا مواظب على
مجي هنا .. باكون سعيد جداً لما أصحاب
أبويا يجوا ويتكلموا ويابا، وسعادتي بتزيد
لما يكلموني على أني هو .. كان نفسي
أفتح المحل ده واشتغل ، مش أجي أقعد
عالكرسی أذاكر بس !! حاولت أقنعه
يعلمني دق الأويما .. مسك الدفلة
والأزميل والوقفه علي البنك لكنه كان
بيقولي مش عايز حاجة تشغلني عن
مذاكرتي .. كان نفسي كمان أسافر البحر
وأروح بلاد الأجانب عشان أعيش وأمتع
بالحياة .. بالمناسبة ؛ قفصكوا ده زى
قفصى بالظبط ، الفرق الوحيد بيني
وبينكوا إن لو اتفتح الباب لكوا مش
هتطيروا .. متأكد إنكوا مش هتطيروا ..
إنما أنا لسه الحلم ده جوايا .. أطيير

(يتجه إلى مقعده .. يجلس ..
أثناء الجزء الأخير يتكرر نفس الموالم
السابق ولكن هذه المرة فى خلفية
المنولوج .. ويستمر بعد ذلك ، مع
إمكانية تحقيق لوحة حركية لنفس
السلويت فى اللوحة السابقة ولكن هذه
المررة فى وجود رجل معها ..)

— مشهد الأم وأسعد الطفل —

(تدخل الأم لتجذب أسعد من يده من
مكانه وهو جالس)

الأم : يالآ يا أسعد
أسعد : فيه آيه يامآ
الأم : ماعدتش قادرة أقعد .. (تكرر جذبه)
أسعد : هنروح فين ؟
الأم : نركب الديزل ونروح مطرح ما نروح
أسعد : ليه يامآ ؟
الأم : مش قادرة أستحمل
أسعد : والعصافير ؟
الأم : عصافير آيه .. أنت يا واد أهبل ..
عصافير آيه بس الله تربطك بالمكان ده ؟!
أسعد : مش بس العصافير يا ما
الأم : أسكت .. مش عايزاك تتكلم خالص ..
مش عايزة أسمع صوتك .. فاهم ..
(لنفسها) مش فاهم .. ولأراح تفهم
حاجة .. أنا برضه واحدة وعايزة تعيش
.. مش دى العيشة اللى حلمت أنا بيها ..

مش دى اللى كنت بافكر فيها وأنا صغيرة
.. سنينى بتمر .. ومرايتى كمان لها عمر
وسوادها بيكثر .. وسنين عمرى كمان
خافعة عليها لتسرقنى .. وما فيش عر
أبوك حس ولا خبر

أسعد : مالك يامًا ؟

الأم : تعبت

أسعد : وهنعمل آيه ؟

الأم : ما فيش غير كده .. يالآ يا أسعد

أسعد : والمدرسة ؟

(تنظر إليه ولا ترد .. فى نفس اللحظة

يظهر البرجيسى الذى يطيل النظر إليها ..

يتجها إلى العمق أمام السلويت ..)

أسعد : وان جه أبويا يامًا سألني .. سببت مكانى

ليه ومشيت .. آيه اللى ها أقوله .. ؟

الأم : ..

أسعد : طب والعصافير .. العصافير يامًا ؟

الأم : عايز تقعد ؟ !

— نقلت موسيقية .. عودة لأسعد الكبير—

(يدخل أسعد ومعه صندوق كبير .. يتجه

إلى العصافير .. يخاطبها ..)

أسعد : ده الصندوق بتاع القفص .. يوم جه

القفص كان جوّه الصندوق ده .. كانت

فكرة وعجبانى .. قفص جوّه صندوق !!

يمكن أبويا ضحك لما قولتله طب وليه

العصافير كمان ما كانتش جوّه القفص ..

بصلى وماردش .. ساب الإجابة لذكائى ..
يمكن علشان الصندوق ضلّمة ؟! ولا يمكن
عشان الصندوق مبيخشلوش هـوا ولو
العصافير عاشت فيه هتموت ؟! الضلّمة
وهوا الحياة .. كنت زمان أحب الصندوق
ده قوى ما عرفش ليه ! كنت تملى ألعاب
أنا وأختى به .. كانت تدخل جوه
الصندوق وتعد .. وكان لما الصوت
يوطى تبدأ تصرخ أجرى وأفتح لها .. كان
بالكثير تعد لغاية عشرة .. مش عارف
ليه اللون الاسود هو إللى تملى أفكر فيه ؟!
لون الضلّمة ؟! لون الملاية السوداء إللى
أمى تملى كانت تلبسها ؟! ولا مرتبط
بلون تلفيعة برجيسى ؟! ولا بلون بدلة
عائش إللى كان بيحى بيها المدرسة !!
كان كل الأولاد يجو بقميص أبيض
وينطلون رمادى لكن عائش كان بيصر
يلبس بدلة .. ولا كان فيه حد بيمنعه !!
مرّة منعونى لأنى رحت بجزّمة مقطوعة
.. قال الناظر .. مش راح تدخل إلا أما
تجيب جزّمة جديدة .. وفضلت أسبوع
ماروْحش إلا بعد ما جبهالى أبويا .. أمى
جبهالى من برجيسى ..

(البرجيسى يطرق الباب)

برجيسى : أدخل ولا لساك زعلان منى ؟

أسعد : ليه ما شفتكش من زمان ؟

برجيسى : أفهم من كده أنك مش زعلان منى ؟
أسعد : لسانى فاكّر آخر مرة كنت فيها مع أبويا
برجيسى : تقصد آخر خناقة ؟! كانت حتة دين شُكّلة .. لرب السما !!
أسعد : بس انتوا خلاص .. كنتوا اتعودتوا ..
تتخانقوا وبعدين تصطلحوا ، إلا المرة
دى ! .. وبعدها سافر
برجيسى : تقصد أنى سبب سفره ؟
أسعد : مش بس كده .. فيه أسباب تانية كتيرة
برجيسى : والعصافير ما كانتش سبب كافى لقعاده ؟
أسعد : ما هو ده كلامى ديماً لأمى .. واما ترد
على كانت تقولي : إنت يا واد أهبل ..
عصافير أيه هى إللى تحوشك .
أيه فكرك بنا دلوقت يا برجيسى ؟
برجيسى : لى حاجات عندكوا جاى عايزها
أسعد : إشرب شاي
برجيسى : نفس كلامك .. زى كلام أبوك
(يتجه ناحية " الواپور " ليجهز " الكنكة ")
أسعد : هتاخذها .. لكن بعد ما تشرب شايتك
برجيسى : بس أنا ما عنديش وقت للشاي
أسعد : مش راح تتأخر .. هـ املا الكنكة بالمىة
وأجبلك (يخرج)
(يلمح البرجيسى الأم التى كانت تتلصص
خلف الباب ، تدخل وشعرها مسترسل على
كتفها وفى يدها المشط والمرآة .. يلتقيان
برجيسى : أنت ما تعرفش ؟

أسعد : لا
برجيسى : مافيش حد قالك ؟
أسعد : قاللى على أيه ؟
برجيسى : غريبة !!
أسعد : وأيّه الغريب فى كده ؟!
برجيسى : ماحدش قالك أنى هاتجوز
(يدخل " بكنكة " الماء ليضعها على
" الوابور " .. تخرج الأم)
برجيسى : أنا جيت أقولك .. تعرف منى أحسن مما
تعرف من الغريب
أسعد : ديماً ما بتفوتكش الفايته
برجيسى : وبالطبع أنت بالتحديد لازم تكون أول
العارفين
أسعد : (مندهشاً) هو أيه الموضوع ؟
برجيسى : (ينظر فى الساعة) أنا أتأخرت
أسعد : لكن الشاى عالنار
برجيسى : معلش إبقى أشربهولى أنت
أسعد : انا عامل كوبيتين .. لازم هتشرّب معايها
.. لكن أنت ليه ما قولتليش على اسمها ؟
برجيسى : أنت تعرفها كويس .. لكن أنا ..
أسعد : اسمها أيه ؟
برجيسى : هاقولك فى وقت تانى
أسعد : طب وأيّه اللى محمّسك ليها بالشكل ده ؟
برجيسى : حبتها
أسعد : ما طول عمرك بتحب .. لكن ما كنتكش
بتتجوزهم .. الحكاية أيه يا برجيسى ؟

برجيسى : هه .. آه .. أنا .. أنا أتأخرت عن إندك ..
أسعد : والشاى ؟!
برجيسى : (خارجاً) معلش مشربه عندك مرة ثانية
(يتجه ناحية الصافير)
أسعد : البرجيسى ده طول عمره بيعيش حياته
إلى اختارها لنفسه .. رغم تحفظى على
حاجات كتيرة فيها إلا أنه ديمًا بياخد أى
حاجة بيعوزها .. أبويا مش كده !! أنتوا
عارفين ؟ أنا رغم انى باحب أبويا قوى ..
لكن .. مش عارف ! إنما برجيسى .. أنا
مابعرهوش .. لكن (متردداً) برضه ..
مش عارف !! أنا .. أنا حاسس بـإن لازم
أكون غيرهم . إنما عايش .. رغم انه كان
ديمًا بيتقرب منى .. وساعات كان بيجيلى
هدوم أو كرارىس .. لكن عمرى ما
حببته أو بمعنى أصح عمرى ما ارتحت له
.. كنت باحس بأن فيه غرض فى دماغه
عايز يوصله معايا (منتبهاً) أنا .. أنا
نقلت المرة دى فى كلامى عليكوا !!!
معلش .. إستحملنى .. لكن انتوا مش
ملاحظين أننا الأيام دى بقينا أصدقاء أكثر
من أى وقت فات ؟! أنا ما عدتش بتكلم
مع أى حد أكثر مما بتكلم معاكوا !!
الحاجة الوحيدة إلى ناقص أعملها معلكوا
هى انى أعزم عليكوا .. تشربوا شاى ؟!

(يضحك .. نسمع صوت العصافير ..
يتجه ليجلس على مقعده الخاص يدخل
مختار الونش)

الونش : قوم
أسعد : أهلا عم مختار الونش ، إشرّب شاى معايا
الونش : بقولك أيه .. قوم معايا ياروح أمك ..
الباشا عايزك
الأم : خير أيه يا حـ صول مختار ؟!
الونش : إينك إالى يعرف .. البيه ظابط المباحث
عايزه
جار : وأسعد عمل أيه بس يا حـ صول ؟
آخر : ده في حاله وعمره ما أذى حد والحارة
كلها عارفة كده
الأم : وانت تايه عنه يا حـ صول مختار ولا
عن أبوه الأسطى عبده الأوميجى صاحبك؟
(يجره من ملابسه مع علو صوت
العصافير .. يلقى به على الأرض فى
مكان آخر .. يجلس الرجل على الكرسي
الهزاز ممسكا "بخيرزانة" .. ينضم الونش
إلى آخرين بالمكان)
عايش : باختصار ياروح أمك .. انت شايف نفسك
حبّتين
أسعد : مين .. عايش ؟
عايش : عايش بيه يالا
أسعد : انت عمرك ما عاملتتى بالاسلوب ده ؟!
عايش : وأنا هافضل أدايك طول عمرك !! فُوق

لنفسك يالا .. أنا أحسن منك من يومى ..
مش عارف طالع فيها على أيه .. أنا
باشا وابن باشا .. وانت ابن الأسطى ..
أسعد : طب وأنا بس عملت أيه
عائش : العربية بتاعتى إحترامها من إحترامى ..
وأما كنت بترش المية قدام محل أبوك جه
عليها مية ، حتى ولو كان من غير قصد ..
لكن العربية إتهانت .. كمان أنا لما باعدى
من قدامكوا فى الشارع بتبقى قاعد
وحاطط رجل على رجل ولا بتنزلهاش ،
وأنا بقى قررت أنى أعلمك الأدب .. خدوه
(يقذف لهم بالخيزانة التى فى يده ..
ويلتف البرجيسى والآخرين حول أسعد)
— نقلة موسيقية —

(الأم فى وسط الحارة تندب)
الأم : طب وبعدين الواد هيروح منى يا برجيسى
برجيسى : ولا يهكم .. ضرورى هيرجع
جار : من يوم ما خرج من عند البية المباحث
ماحدث عارف عنه حاجة
جارية : الحارة كلها بتدور عليه وهيلقوه أطمنى
جار : ما تقلقيش أسعد إبننا كلنا وللازم نلقاه
(يدخل أسعد مطأطأ الرأس .. مؤثر
موسيقى آتين .. مصمصات وتعليقات
إشفاق)
جارية : يا عبنى ياختى
جار : بقى أسعد يحصله كده !

جارة : ولا يهملك يا أسعد بكرة نشوف فيه يوم
جار : احنا قومنا بالواجب يا أسعد .. لمينا
الحاجة وقفنا المحل
(يتجه ناحية قفص العصافير .. تخفت
الإضاءة)
أسعد : (للعصافير) مش عارف ليه لعبة
الصندوق إللى كنت بالعبها مع أختى زمان
بتلح على ألبها دلوقت .. بالمناسبة أنا
جيتنى فكرة لحل مشكلة الصندوق ..
(يخرج من جيبه أداة حادة ويبدأ فى ثقب
الصندوق) أنا ها عمل فتحة صغيرة
علشان تدخل الهوا .. أيه رأيكوا فى الحل
ده ؟! نسيت أقولكوا بأنى بقيت متأكد
دلوقت بأنى لو فتحتكوا الباب مش
هتطيروا وإحساسى كمان بقى أكيد بإنكوا
إلى دخلتوا القفص ده بارادتكوا (يفتح
القفص) أنا فتحتة لأنى قررت ألعب لعبة
الصندوق وياكوا .. كنت زمان لما أدخل
جوه الصندوق أقفل وأعد ، وأصبر فى
العد لغاية لما أمى ما تسمعلىش صوت
كانت تيجى وتفتحلى الصندوق . الوقت
اللعبة أنا هالعبها معاكوا .. هادخل وهاعد
.. لكن مش هاصرخ ما أنا فاتح فى
الصندوق فتحة .. يمكن صوتى يوطى ..
إن حبيتوا تخرجوا وتجونى تفتحولى
الصندوق الباب مفتوح ليكوا ..

انتقنا خلاص .. يالا هابداً فى العد ..
(يدخل الصندوق ويغلقه عليه .. ويبدأ
فى العد)
واحد .. إثنين .. ثلاثة .. أربعة .. خمسة
.. ستة ..
(يستمر فى العد .. يختلط العد بصوت
العصافير الذى يعلو تدريجياً مع الاختفاء
التدريجى لصوت أسعد ..
.. فى العمق سلويت من خلال قضبان
قفص خلفها ثلاثة أشخاص يحاولون
الطيران بأجنحتهم وذلك من خلال إضاءة
خضراء .. بقعة ضوء حمراء تحيط
بالصندوق .. يستمر ذلك إلى أن ..)

أوراق خاصة

الشخصيات :

الفتاة

الرجل

د. بلا بنجو

عن قصة " من أوراق د. بلا بنجو " للقا ص حلمى ياسين

— موسيقى مقدمة نشرة الأخبار —

(تظهر المذبة على شاشة التلفزيون)

الفتاة : سيداتي سادتي نوافيكم بآخر الأنباء ..
تمكنت إحدى دوريات الشرطة من إحباط
واحدة من السرقات التي تفشت خلال هذه
الفترة .. حيث تمكنت هذه المرة من
إجهاض محاولة أحد الأشخاص لسرقة أحد
مخازن ملوك النظافة .. وضبط متلبسا
بالمخزن وسط كومة من كراتين المسحوق
إنيال . هذا وقد تم التحفظ على المخزن
وعمل محضر بالحادث وتولت النيابة
التحقيق .. وجارى عمل التحريات
بخصوص مرتكب الحادث

(يضاء المسرح .. مشهد تحقيق ..

بلاينجو وسط كومة من الكراتين محاطا

بكم هائل من أكياس مسحوق المنظف)

الرجل : اسمك .. وسنك .. ومهنك ؟

بلاينجو : أنا .. أنا

الفتاة : حلمي العربي الشهير ببلاينجو .. السن

٤٢ سنة .. طبيب بشرى

الرجل : ما الدوافع الحقيقية وراء ارتكابك للسرقة؟

بلاينجو : ماكانش قاصدى السرقة .. أنا مش حرامى

الفتاة : كلهم بيقلوا كده

بلاينجو : صدقونى .. دى الحقيقة .. أنا مش لص

الرجل : مافيش داعى للإنكار .. إحنا عندنا طرق

كثيرة نقدر نخليك تعترف بيها ..

ماتضطرناش لاستعمالها معاك

بلاينجو : لكن أنا ..

الرجل : أنت راجل متقف .. ويتعرف ويتقنهم ..
وأنا واثق بأنك هتقدّر الموقف صح ومش
هتتعبننا

الفتاة : وقد صرح مصدر مسئول بأنه قد عثر

بمنزله على علب بسكويت ... وعلب

شاي .. وأكياس منظفات بأحجام مختلفة

الرجل : جميل

الفتاة : واليوميات مسابقات مليئة بالصور

والكوبونات وجميعها متوقفة على رقم أو

صورة واحدة

الرجل : جميل جداً

الفتاة : عثر أيضاً في عيادته على لوحة كتب

عليها كلمة " الصبر " وأيضاً على مكتبه

كارت كبير كتب عليه بمنتهى المزاج " أنا

أحب النظام الرأس " بيلانجاوى " وإلى

زى ما تحبه يحبك كمان

الرجل : وكمان

الفتاة : وكمان

(يلاحظ التحركات الحرة للفتاة بين

التليفزيون وداخل المكان ...)

الرجل : اعترف

الفتاة : ما فيش عندك مخرج

الرجل : ما فيش قدامك مفر ... أيه السبب وراء

إختيارك هذا المخزن بالتحديد ؟

الفتاة : أيه الدافع ؟
الرجل : ولية المنظفات دوناً عن كل البضاعة إلى
فى المخزن ؟
الفتاة : ولية نوع المنظف ده بالذات ؟
بلا بنجو : " منهاراً " هـ اعترف .. هـ اعترف ..
لكن أرجوكوا .. ما تتشروش حاجة مللى
هاقوله .. إحفظوا لى برستيجى قدام الناس
.. أنا مش حرامى .. ما كانش قاصدى
السرقه .. أنا كنت بأدور على كارت
الأحلام .. أو على الكوبون إلى ناقص ..
إلى يخلينى أفوز بالمليون جنيهه ..
صدقونى أنا مش لص .. كل حاجة فى
المحل زى ما هيّه .. حتى العلب وأكيلس
المنظفات اللى فتحتها قفلتها تانى ورجعتها
زى ما كانت ..
(فى الإطلام تظهر المذبة داخل شاشة
التليفزيون)
الفتاة : وتهيب شركة ملوك النظافة السادة
المواطنين ضرورة الحرس الشديد
والحفاظ على ما يحتفظون به من أكياس
وضرورة الحراسة المشددة عليها .. حيث
صرح المصدر الامنى المسئول عن
احتمال قيام آخرين بنفس الجريمة أو
احتمال أن يكون ضمن جماعة أو شبكة
كبيرة تستهدف ذلك ..

(ينضم الرجل إلى الفتاة داخل الشاشة
ليقولان معاً بشكل إعلاى)
الإثنان : إنيال ... إنيال ... أوه .. هوه
- إظلام -

(بقعة ضوء على وجه د.بلاينجو)
صوت : لست محدث نعمة ولا محروم فأنا ابن
ناس ركبوا الأيام سنيناً طويلة ، فمشيت بهم
على طريق العز والنعمة والجاه ولكن
الأيام لم تستقم لأحد.
بلاينجو : وليه ما نقولش أنهم إتبطروا وتعالوا
علايام فرمتهم بعيد عن الجنة ؟!
صوت : وجرت هي بأناس آخرين فدهسوننا كما
دهستنا الأيام.
بلاينجو : لا داعى للذلكة .. أنت إللى بتصر على
فلسفة كل حاجة .. ليه ما تكونش صريح
مع نفسك وتقول إنك حاقد على الآخرين
صوت : أنا لا حاقد ولا حاسد لك كل الدكاترة
زملائى امتلكوا الخمسة عين .. وأنا العين
الواحدة إللى بأملكها لازالت " شيش بيش "
.. ويمكن تتقع كمان
الأزمة تكمن فى أن قيمة الدولار تزيد ،
وقيمة البلاينجو تضعف
(موسيقى برنامج ذهب .. ذهب ..
وبعدها تظهر المذبة فى التلفزيون ..)
الفتاة : سيداتى وسادتى .. نأسف عن قطع
المسلسل العربى ونواصل مشاهدته بعد

هذا النبأ الهام .. صرح مصدر مسئول
بأن المدعو د. بلانجو ؛ وأثناء التحقيق
معه .. قد تلاشى واختفى .. وإزاء هذا
التصريح الخطير تعلن شركة ملوك
النظافة عن رصد جائزة مالية كبرى لمن
يعثر عليه أو يدلى أية أقوال تساعد فى
الوصول إليه.

(موسيقى برنامج دهب .. دهب ..)

— إضاءة .. فى العيادة —

(لافتة عليها " عيادة الدكتور بلانجو "
.. لافتة ثانية مكتوب عليها " سعر
الكشف واحد بلانجو " .. لافتة ثالثة
مكتوب عليها " الصبر " .. " شاذلون " ..
جهاز تسجيل)

الرجل : إجراء طبيعى أننا نفتش فى عيادته ..

الفتاة : لكن التصريح بتاعنا بشقته بس

الرجل : احنا معانا التصريح إالى نخشبه أى مكان

الفتاة : " تنتقل فى المكان " حياته كانت ورق

على ورق .. بتهيللى إن معظمها ما لو ش

أهمية

الرجل : لو خدنا بكلامك ده هتكون حياته نفسها مل

لهاش أهمية .. وده منهج مش صحيح فى

البحث .. من رأيي إننا لازم نعتبر كل

ورقة من أوراقه لها أهميتها . شوفتى

الكروت دى ؟!

الفتاة : " قارئة " وأمرهم شورى بينهم .. أخى

المسلم صوتك أمانة فلا تكتمه .. الصوت
الإسلامي في نقابة الأطباء .. الإسلام هو
الحل

الرجل : " يأخذ باقي الكروت قارئاً لها " الحزب
الوطني الديمقراطي .. الحاج حسن
الفلاتي الرجل الممتع خير من يمتلككم في
مجلس الشعب . وده كارت شعار النخلة
.. وكارت شعار الساعة

الفتاة : كروت ما تبينش إنه تبع حزب معين
الرجل : يمكن حد وزعها عليه في حملة انتخابية ..
فاحتفظ بها

الفتاة : جهاز التسجيل فيه شريط " يضغط على
الجهاز "

صوت : إستأجرت اليوم غرفة في منزل قديم
كعبادة ، وجائنتي امرأة تريد أن تعمل
عندي ، فوافقت . مازلت مدينياً بئمن
المكتب والكراسي والمروحة والمعدات
الطبية وزجاج الشبابتك ، أما المقدم فقد
دفعته نصفه والنصف الآخر نظير شريك
على بياض .. يارب أسترها معايا
" يوقف الشريط "

الرجل : باين أن دي أول مرة يدّأين فيها !! كلامه
بيقول كده

الفتاة : نسمع بقيت كلامه .. واضح أنه سجل
على التسجيل ده تفاصيل كثيرة في حياته

الرجل : وده هيسهل علينا مهمتنا

(يضبط عل زر الجهاز)

صوت : الصبر .. حال العيادة لا يسر . أبحث عن عقد عمل

(نلاحظ ظهور بلانجو جالسا القرفصاء على الأرض أسفل الكاسيت .. فى وضع الكاتب المصرى)

بلانجو : جاءتني امرأة اليوم للكشف ولم يكن معها سوى واحد جنبه فقط ، فكشفت عليها ورددت لها الواحد بلانجو ، فدعت لى بالستر ، فلعنت فى سرى كل الأفلام العربية التى صورت الدكتور إنسانا " يتحرك " اقترحت أم سيد اليوم أن أطبع إعلانات وألصقها على الحائط دعاية للعيادة التى لا تعمل ، حتى لو وصل الأمر أن أوجر ميكرفون وحنطور وأدور فى الشوارع أعلن عن أسعار الكشف وامتيازاتى وشهاداتى وذلك لأنها .. " يتوقف الصوت عن الاسترسال "

الفتاة : لأنها أية ؟

الرجل : من غير ما يكمل .. طبعا لأنها مقبضتش .. دى التكملة المنطقية للجملة

(يتحرك ليحجبا د . بلانجو عن المشاهدين .. يتصفحا بعض الأوراق)

الفتاة : زرونا فى عيادتنا تجدوا مايسركم

الرجل : " بشكل تقريرى " إيجار حنطور ٥ بلانجو

الفتاة : إيجار ميكرفون لمدة ساعة ١٠ بلانجو

الرجل : رجل مذيع ٥ بلاينجو
الفتاة : طبع اوراق ١٥ بلا.. بنجو
الرجل : لصق الورق ٥ بلاينجو ثمن إعلان للعيادة
بلاينجو : النتيجة طز

(نقلة موسيقية .. أجراس وتراتيل
يتحرك خلالها د . بلاينجو - فى مشهد
كهنوتى فرعونى - صاعدا القمة فوق
"الشاذلون " ككاهن مهزوم ولكنه يحل
التماسك ..)

بلاينجو : يفقد المرء الصديق الوفى ويلجأ الناس إلى
إنسان مجهول يشكون له .. إنسى مُثقل
بالملاعب لافتقادي صديقا حميما .. لم يعد
موجوداً ذلك الإنسان الذى كان الواحد
يمشى معه .. مع من أتكلم اليوم ؟ ..
الشر يطوف العالم لا نهاية له .. الموت
أمام عيني ..
(الفتاة واقفة أسفل " الشاذلون " والرجل
واقفا بين المتفرجين)

الرجل : هل أنت حاقد ؟
بلاينجو : أنا لا أحقد
الرجل : هل انت حاسد ؟
بلاينجو : لا .. أنا لا أحسد
الرجل : هل من أخرجوك إلى هذه الحياة غير
راضين عنك ؟
الفتاة : تذكر أن رضا الله من رضا الوالدين !!
بلاينجو : الله أعلم

الرجل : هل ظلمت أحد ؟
الفتاة : ربما ظلمت نفسك !
بلابنجو : هذا شأني .. أما الآخرين فأنا ليس لي ..
الرجل : " مقاطعا " هل عليك لعنة ؟
بلابنجو : لا أدري ..
الفتاة : تذكر جيدا
بلابنجو : لا أدري .. ولكن ..
(يبدأ في التحرك نازلا إلى أمام
" الشاذلون ")
بلابنجو : إنها مصيبة .. لو كانت على لعنة
فستستمر حتى سابع حفيد !!
الفتاة : " تقترب منه " عندك أمل في أن حياتك
هتتغير
بلابنجو : أحتاج إلى سيزريان
الرجل : " ويكون قد صعد إلى جواره " كلمنى
عربي وحياة أبوك
بلابنجو : يعنى فيصرية .. عملية تغير حياتى
الرجل : وضح بدون فلسفة ؟
بلابنجو : عقد عمل مثلا
الفتاة : تهاجر ؟
بلابنجو : وليه أكون هنا .. إلى وصل وصل ..
والتعبان ! .. تعب وفقر وإحباط
الرجل : من المؤكد أنك لو ثت النيل
بلابنجو : (صاعدا للنوم على " الشاذلون ") كلنا
لو ثنا النيل يا صديقى
الرجل : ولكن من لو ثه أكثر ربح أكثر واغتنى

بلاينجو : للأسف .. إكتشاف جديد اكتشفته كالمرض
الجديد ، ولغة جديدة عليك التحدث بها
الفتاة : تعنى لغة البلاينجو ؟
(تضيق دائرة الضوء على وجهه)
د . بلاينجو الذى يكون قد أخذ وضع
المومياء)
صوت : إن قلت لا .. أضحك على نفسى .. وإن
قلت نعم أنبح نفسى .. فما زال داخلى
بعضا من إنسان
(فى الظلام تظهر الفتاة ومعها الرجل
داخل شاشة التلفزيون)
الفتاة : سيداتى سادتى .. ومع هذا الإعلان النقابى
" الرجل يقوم بلصق لحية والإمسك
بسبحة "
الفتاة : بسر مجلس إدارة النقابة أن يعلن عن
إقامته لمعرضه الأول للسلع المعمرة
الرجل : بنظام المراجعة الإسلامية وبدون مقدم
والدفع على ثلاثين شهر
الفتاة : فعلى من يرغب فى الاشتراك التقدم
بأوراقه إلى مقر النقابة وذلك خلال
اسبوعين من تاريخ الإعلان
الرجل : والله ولي التوفيق
- نقلة لإعلان آخر -
(الفتاة فى شاشة تلفزيونية أخرى)
الفتاة : عزيزتى ربة المنزل .. فى أسبوط أو فى
دمياط .. فى مريوط أو فى العياط .. معنا

مع ملوك النظافة هتكونى ديما كسبانة ..
وعلى ميعادنا معاكم كل يوم جايزة ..
وجايزة اليوم من نصيب " تؤدى " مسعدة
سعد سعدون من كفر السعادة .. مبروك
لنا كلنا .. ربنا يخلي لنا ملوك النظافة .. من
يوم ما دخلوا حياتنا بقينا عال العال
(إضاءة .. فى منزل د . بلانجو)

الرجل : واضح أنه كان مهما جدا . شوفتى
الجوابات دى ؟

الفتاة : فيها أيه ؟

الرجل : دى برقيات لكلينتون ولبوش
ولجورباتشوف ولتاتشر ولبعض الرؤساء
والملوك العرب

الفتاة : " تستعرضها " برقيات تعازى وتهانى
مناسبات .. وفى نهاية كل برقية بيطالب
عقد عمل .. لكن مهم قوى أن كل
البرقيات دى موجودة هنا .. يعنى ما
بيبعتهاش

الرجل : " يقرأ " ماى فرند برزدينت بل كلينتون
.. أرسل خالص تعازى فى ضحايا انفجار
أو كلاهما داعيا الله عز وجل أن يسكن
الشهداء فسيح جناته ويلهمكم الصبر
والسلوان

(نقلت موسيقية .. توزيع جديد لموسيقى
أغنية رق الحبيب .. توزيع بطى يعكس
إحساس حالة من الحزن)

بلاينجو : كلمتى آمال اليوم وقالت لى وأنا واقف
على باب المدرج
الفتاة : صباح الخير
بلاينجو : صباح الخير
الفتاة : " تضحك "
بلاينجو : أنا أنا مش عارف أيه إالى ملخبطنى
بالشكل ده
" تتركه وتتحرك "
.. : " لنفسه " شوفت يا خيبة .. عمرك تتمنى
كل حاجة ولما تقرب لها ما بتعرفش تلخد
أى خطوة إيجابية
بلاينجو : يعنى متلف وهاطلع أنا الغلطان ذى العادة
.. : اسمع .. أنا النهارده برغم كل ده مزاجى
عال " حالما " بعد ما صبت على بقيت
حاسس بأنى عايز أقف على أى مصطبة
من مصاطب كورنيش النيل أو أقف على
مأذنة الجامع وأغنى كل الأغاني الدينية
والعاطفية والوطنية .. أغنى قدام الناس
كلها .. حتى لو رمونى بالطوب
(نقلة مع موسيقى أم كلثوم لأغنية
والموجة تجرى ورى الموجة ..)
الرجل : " يقرأ " دعوة .. تتشرف عائلة كنتكوت
وعائلة غالى بدعوتكم لحضور حفل زفاف
نجل الأول رجل الأعمال الحرة عباس
على كريمة الثانى دكتورة آمال
الفتاة : ياه .. دى كمان بعتاله الدعوة !

الرجل : وكمان محتفظ بها
الفتاة : ده راجل إيزى خالص
الرجل : ماهى لو قعدت تستنى يمكن متتجوزش
خالص
الفتاة : أنت خدت بالك .. تحت اسم عباس
مكتوب بخط الإيد كلمة الشهير بالبلانجو.
الرجل : البلانجو !
الفتاة : دى مش أول مرة نلقاها فى أوراقه .. إحنا
لقيناها فى أوراق تانية ؛ كان بيكتبها بعد
كل مبلغ بدل من حرف الجيم
الرجل : يعنى يقصد الجنيه
الفتاة : وفى روسته من ورشاته كتب البلانجو
على أنه دوا لعلاج الأنيميا
(د. بلانجو يشاهد التلفزيون مع
خطيبته .. مؤثرات فيلم أمريكى أكشن)
صوت : كنت أشاهد مع خطيبتى فى منزلهم فىلما
أمريكا عن رجل لا يموت بالرصاص ولا
بالقنابل ولا بأى شىء ، يفعل كل ما يفعله
دون أن يصاب بخدش واحد
(نسمع صوت انفجار فى التلفزيون ..
انفجار داخل حمام .. يظهر الرجل والفتاة
فى شاشة التلفزيون ..)
- إعلان -
الرجل : إنسف .. تخلص من حمامك القديم
(تظهر الفتاة بشفتاها المبالغ فيهما
ولتكن شفتان صناعيتين .. وتعلن عن

(المنتج المعطن عنه)

- الفتاة : نرازيها ..
" تطيع قبلة ترسلها للمشاهدين "
- الرجل : إتصل بنا عبر شبكات الإنترنت ؛ ولدينا
الفنيين المتخصصين فى التوصيل
والتركيب ، إنسف ودع الباقي علينا
— إنتهى الإعلان —
- الفتاة : الله ! ياي .. يجن !! ولا ألوانه تهوس !
خصوصا اللون الروز ! .. أيه رأيك
يابنجو مش مدهش ؟!
- بلا بنجو : هه .. أه .. فعلا .. مدهش .. أنا هانسه
.. هانسف حمامى القديم
- الفتاة : لأ .. أنا باتكلم بجد يابنجو
- بلا بنجو : وأنا جد الجد .. الراجل بطل الفيلم
الأمريكي .. نسف بلد بحالها يبقى مش
كتير على إني أنسف حمام !! لكن ..
- الفتاة : لكن أيه يا بنجو ؟
- بلا بنجو : الحمامات الفاخرة دى .. مين إللى
بيشترها ؟!
- الفتاة : يعنى أيه يا بنج .. ؟
- بلا بنجو : مايعنيس ؛ أنا هانسه الأول .. ومش مهم
الباقي
(موسيقى انتقالية مصاحبة .. يتحرك
خلالها وتستمر فى الخلفية أثناء منولوجه
مع نفسه .. فى ضوء الكشاف المسلط
عليه)

بلا بنجو : هتعمل أيه ؟
.. : هاعمل .. هاعمل
بلا بنجو : أنت عمرك ما بتعمل حاجة
.. : كل شيء حولي بيدفعني للتغيير
بلا بنجو : لكن ما بتغيرش .. مابتحاولش تعمل
حاجة خالص .. الدنيا هي اللي تتغير
وبس .. مستنى هي اللي تتحول ..
مستنى الأزمة هي اللي تحل نفسها
.. : برستيجي .. لازم أحافظ على برستيجي
(تعلق الموسيقى المصاحبة ويتحرك إلى
صورة والده في البرواز ليتحدث إليه)
بلا بنجو : " متقمصاً والده " إذا أردت أن تعيش
الحياة فابحث عن مبادئك وحاول تحقيقها،
وتمسك بها طيلة حياتك
(يستبدل الرجل نفسه داخل البرواز)
الرجل : اسمع يا بلا بنجو يا بنى سأعيد عليك
كلامي مع التعديل تماشيا مع الحياة الضنك
التي منيت بها العائلة المبجلة : إذا أردت
أن تحافظ على مبادئك ويحترمك الناس ..
فلا تخفى عنهم ما يعرفونه ويعلمونه عنك
.. ظنا منك أنهم لا يعلمون .. لا تجعل
الناس يتغامزون ويتلامزون عليك ..
حافظ على برستيجك قدر المستطاع
(يخرج الرجل من خلف البرواز متحركاً
في حالة هزيان)
الرجل : مع من أتكلم اليوم .. الرجال قانعون

بالشر والطبيعة مهملة في كل مكان ..
بدلاً من أن تثير التصرفات السيئة غضب
الإنسان تدعو أفعال الشريرة إلى الضحك
.. أصبح الموت أمام عيني .. كالإستلقاء
على شاطئ أرض الثمالة ..

(ينهي كلامه وهو يستلقي على
" الشاذلون ")

(مسلطين عليه ضوء الكشف وهو فى
حالة ثبات)

بلاينجو : لذلك عشت أحافظ على مظهرى وأناقتى
واحترام الناس لى ، فأنا الدكتور ولا أملك
فى جيبى ثمن علبة سجائر !! لذلك قررت
أن أكون واضحاً مع نفسى ومع الناس ..

الفتاة : " تقرأ ورقة " صديقى الدكتور ج . ل .
بعد التحية .. أرجو أن تقبل عذرى عن
التأخير فى سداد ما على من نقود راجياً
أن تسحب الشيكات من المحكمة على أمل
أنه فى القريب العاجل سوف يبيت فى
قضية الوقف الخاصة بعائلتنا ..

الرجل : " مواصلاً " وأنا على استعداد بالتنازل لك
عن نصيبى من الآن ضمناً لحقك وتأكيداً
لحسن النوايا وادعو الله معى أن يوفقنا
ويسدد حوائجنا

ملحوظة : لقد عدلت عن فكرة البرقيات
لكلينتون وأعوانه .. لذلك فإنى لن أرسلها
.. أخوك د بلاينجو .

المدينة الجديدة

سبتمبر ١٩٨٦

الشخصيات :

فتحي
المهندس
الشابة
الفلاحة
سمية
الكابتن
الفلاح
الصبي
الشيخ
الشرنوبى
عبد العاطى
الدمنهورى
لولا
الشباب

الفصل الأول

المشهد الأول

إعلان هام

شركة الفركوك الفنتازى للسياحة يسرها أن تزف إلى الأهالى خبر اكتشافها لوجود مدينة جديدة لم يسبق لأحد التعرف عليها ..

ويسعد الشركة أن تعلن عن تنظيمها لرحلات خاصة لتوصيل الأفراد الراغبين فى العيش بهذه البلد الجديدة ومستعدة لاستقبال الأفراد بمقر الشركة للاتفاق معهم وإتمام التعاقد .

بيانات خاصة عن المدينة :

— يمكنك الإقامة فى هذه المدينة بأى مسكن خال دون الاتفاق مع أى هيئة ودون أن تحرر أى عقد ، فقط عليك أن تكتب اسمك على باب هذا المسكن .

- يمكنك الحصول على مستلزمات المعيشة أو وجبتك الغذائية فى موعدها من أى منفذ موجود بسوق المدينة وبدون مقابل .

- يمكنك الحصول على الأثاث اللازم للمسكن من أى مصنع بالمدينة دون أن تدفع أى مقابل .

هام جدا :

العمل فى المدينة فى مواعيد رسمية ودون أجر أو تميزات بين الأفراد — كذلك لا يوجد عليك رقيب أو رئيس عمل — لا يوجد أمن بالبوابة الرئيسية للمدينة .

المزايا :

الإسكان متوفر .. فرص عمل متوفرة .. هدوء .. نقاء .. حب .. نوايا حسنة ..

الموقع :

هناك .. هناك .. بعيد عن كل شيء .. بعيد عن أى شيء
شروط خاصة بالأفراد :

ينبغي أن تتوافر فى الأفراد الراغبين فى السفر إلى هذه
البلد شروط خاصة وهى :

أن يكون ناوياً الحياة بصفة نهائية فى هذه البلد ، وألا
يكون قد سبق له الالتحاق بأى عمل حكومى أو فى أى
شركة مقاولات أو سبق له الانضمام إلى أى جمعية
مغرضة أو يكون قد تأثر بما درس فى مراحل تعليمية
أو تكون قد تمكنت منه الأفكار التى يسمعها أو يقرأها ..

ملحوظة :

هذه البيانات وجدنها موجودة على بوابة المدينة الجديدة .

إنتهى الإعلان

(عم فتحى يقوم بتوزيع الإعلان السابق فى الشارع أمام
المسرح أو وهو جالس إلى جوار بائع التذاكر أو على
الجمهور أثناء دخولهم صالة المسرح ومن الممكن أن يذاع
هذا الإعلان على الجمهور من خلال الإذاعة الداخلية للمسرح
حتى يتمكن الجميع من سماعه ..

فى الصالة يحدث حوار بين عم فتحى وبعض الأفراد من
الجمهور أثناء توزيعه الإعلان)

عم فتحى : أبوه يا أستاذ .. أبوه يا هانم .. إلى عاوز بروح
مدينة الأحلام ، إلى عايزة تروح البلد الجديدة ..
كل حاجة فيها ببلاش .. ما فيهاش دوشه .. ما
فيش فيها أزمة مساكن .. إتفضل إقرأ يا أستاذ ..
" يعطى الشاب إعلان " .. لا خلوات ولا مقدم ..
ولا حتى فلوس للتملك ، الشقق هناك زى الرز
بتتملك ببلاش ..

الشباب : أكيد أنت مش طبيعي . " غير مصدقاً "

معقول .. معقول !!

فتحي : ليه بس كده يا أستاذ .. ده جزائى ..
دانا قاصد أقدم لك الخير .

الشباب : معلش أعذرني .. ما هو كمان مفيش
عاقل هيصق الكلام إلی بتقوله ده ؛
فعلاً كلام مش معقول !

فتحي : وليه تقول مش معقول .. جرب ..

خليك مع الكداب .. والمية تكذب
الغطاس .. " يتركه " البلد الحلم ..
المدينة الجديدة .. كل حاجة فيها
ببلاش .. الأكل ببلاش .. لا أسعار
تزيد ولا أسعار تقل .. كل حاجة فيها
متوفرة .. إتفضل يا هانم .. " يعطيها
إعلان " لا أزمة مواصلات ولا زحمة
أتوبيسات .. مفيش أتوبيسات حريمى
ولا أتوبيسات رجالى .. المواصلات
كلها خاصة ومجانية .

الشباب : معقولة ؟ دى تبقى حلم بحق وحقيق ..

آه .. " متداركه " دى بقى تبقى
المسرحية إلی انتوا هاتقدموها النهاردة
فتحي : لا تمثيلية ولا مسرحية يا بنتى الإعلان
معاكى .. لو حبيبتى تروحي ، عنوان
الشركة مكتوب عندك

(فى هذه اللحظة تبدأ الستارة فى
الإزاحة تدريجياً حيث تظهر لافتة كبيرة

مكتوب عليها " شركة الفركوك
الفتنآزى للسياحة " .. توجد سكرتيرة
تجلس على مكتب خاص .. مجموعة
فوتيهات للجلوس .. طقطوقة .. باب
دخول .. باب آخر يؤدى إلى مدير
الشركة مكتوب عليه الكابتين .. باب
آخر لا يستعمل ..)

واللى يسأل ما يتوهش .. شركة
الفركوك الفتنآزى " بشكل إعلانى " ..
شركة الفركوك الفتنآزى للسياحة ..
تصحبكم إلى مدينة الأحلام .. البلد إلى
بيحلم بيها كل واحد .. الفركوك
الفتنآزى .

(من الباب الخلفى للصالة تدخل فلاحه
ممسكة بالإعلان وتنادى عم فتحى
وهو فى اتجاهه إلى المسرح ...)

الفلاحه : أنت يا حاج .. أنت يا خويا .. إستنى
فتحى : أنا يا حاجة .. ؟
الفلاحه : أيوه أنت يا خويا ربنا ما يوريك وحش
فتحى : خير يا حاجة .. تحت أمرك
الفلاحه : معلش يا خويا .. عشان بس ما أنا
مابعرفش أقرا
فتحى : خير يا حاجة ؟
الفلاحه : الكلام ده يا خويا ؛ الكلام إللى فى
الإعلان ده
فتحى : ماله الإعلان يا حاجة ؟

الفلاحة : صحيح ؟ الولاد قرهولى ومش مصدقة
 ليكونوا يعنى بيضحكوا على .. عشلن
 كدا جاية أتأكد منك .. أو تقرهولى .
 فتحي : من غير ما أقراه .. الولاد ما كذبوش
 عليكى
 الفلاحة : يعنى أيه ؟ البلد دى حقيقة
 فتحي : يا سبحان الله .. ما فيش واحد خد
 الإعلان وصدق إلی مكتوب فيه !
 لازم أحلف لهم ! لازم أقسم لهم بميت
 يمين أن الإعلان صادق
 الفلاحة : معقوله يا ولاد .. معقوله الكلام ده
 ..مش مصدقة روحى يا خواتى
 فتحي : صدقى يا حاجة .. ميت يمين البلد دى
 الفلاحة : " مقاطعة " صادق يا خويا من غير ما
 تحلف مصدقك .. لكن الشركة
 بتاعتكوا دى موجودة فين ؟
 فتحي : ما تتوهش يا حاجة .. " مشيراً إلی
 خشبة المسرح " .. الشركة هناك أهى
 الفلاحة : ريحتنى يا خويا .. يريح قلبك ربنا ..
 لكن معلش والنبي ما تضايق من
 سؤالى .. أنت زى أخويا
 فتحي : هتسألى فى أيه تانى يا حاجة ؟!
 الفلاحة : الفلوس .. الشركة دى بتأخذ فلوس قد
 أيه ؟
 فتحي : الحاجة دى تتكلمى فيها مع السكرتيرة
 إلی هناك .. وعالعموم اطمنى أنا عنى

نفسى أعرف أن صاحب الشركة
مايبدققش فى موضوع الفلوس ده .
الفلاحة : يعنى أيه .. مش فاهمة ..
فتحى : كل إللى أعرفه أنك تروحي الشركة
تستفسرى عالى إنت عايزاه ، إنما
موضوع الفلوس ده ما عرفش عنه
حاجة .. لكن إللى فهمته إن الكابتين
مبيدققش .. يعنى إللى معاكى هياخده
الفلاحة : كده .. طيب يا خويا .. أروح أجيب
حاجاتى وجيالك حالا .. "لنفسها"
وأنا يعنى هبخس على أيه .. أجهز
نفسى وأروح الشركة .. يمكن يكون
بصحيح .. يمكن يكون فيه لسه ناس
طيبين

(تخرج من الصلاة)

فتحى : " مناديا " البلد الجديدة .. إللى عايز
يروح البلد الجديدة إللى عاوز يعرفها
.. إللى عاوز يعيش فيها ..
(يوزع ويقذف بعض الإعلانات على
الناس أثناء صعوده على خشبة
المسرح)

فتحى : صباح الخير يا أنسه سمية

سمية : صباح الخير يا عم فتحى

فتحى : الناس يا ستى مش مصدقينى .. يعنى
مش كان أفضل نعلقها أو نلزعها
عالحيطان وكننوا رحمتونى .

سمية : أنت مش عملت إلی علیك .. خلاص
.. سيب بقى موضوع الناس ده ..
يصدقوا ما يصدقوش .
فتحي : يعنى أیه .. مش فاهم ؟!
سمية : يعنى إلی عاوز يصدق .. هيصدق ..
وإلی مش عاوز ..
فتحي : قصدك تقولى أن إلی عاوز بهرب
ماللی هو فيه هيصدق .. وإلی عاجبه
حاله .. ما يلزموش يفكر إن كان يصدق
ولا لا .. مش دا قاصدك ؟
سمية : وهى مش دى الحقيقة ؟
فتحي : الحقيقة إن أنا نفسى ياللی بوزع مش
مصدق !
سمية : فزورة دى يا عم فتحي ؟
فتحي : أبداً يا بنتى .. باتكلم جد .. أنا وزعت
فى الأول وكنيت مصدق .. أوما
فكرتش فى الموضوع أساساً أصدق
ولا ماصدقش .. لكن من كتر الناس ما
سالونى بقى عندى أسئلة كتيرة عايزة
تفسير ؟؟
سمية : قاصدك أیه ؟
فتحي : ما هو أنا لو كنت شفت البلد ، يعنى ،
كنت عرفت أرد عالناس ، بقى معقولة
فيه بلد بالموصفات دى .. ده يبقى حلم
سمية : طب وتحير نفسك لیه .. مالکابتن
موجود .. هو إلی اکتشفها وشافها

بعينه .. إتكلم معاه
فتحى : الحاج على ؟
سمية : مُصر تقول عليه الحاج على .. أنست
مش عارف أنه بيضابق من كده
فتحى : دى كمان مش فاهمها .. عمرى بقوله
يا حاج على وهو يقولى يا عم فتحى
ومن يوم ما فتح الشركة دى وهو مش
عاوز حد يناديه غير بالكابتن .
سمية : مالکش حق يا عم فتحى .. صاحب
الشركة ويطلب إلی هو عاوزه
فتحى : طب وهى حاج مالها .. لازم يعنى
الكابتن دى ، الناس يا بنتى بتتغير
وعلى أية .. ما كل حاجة بتتغير كمان
(يدخل الكابتن على)
الكابتن : صباح الخير يا سمية .
سمية : صباح الخير يا كابتن
الكابتن : أیه الأخبار .. يا فتحى ؟
فتحى : الإعلانات إلی جبتها لى وزعتها كلها
.. وحسب ما طلبت وزعتها فى منطقة
واحدة .. وكل يوم أوزع كمية ثانية فى
منطقة ثانية .
الكابتن : برفاوا يا فتحى، والناس رد فعلهم أیه ؟
فتحى : أهو ده بقى إلی قالقنى
الكابتن : لیه ؟
فتحى : ما فيش حد مصدق .. إلی سمعته
مالناس مش قليل .. إلی يأخذ الورقة

يقطعها .. وإلى تقولى "مقلداً" آه ..
أكيد دى دعاية لفيلم جديد، وإلى يشخط
فىء ويقول كفاية جنان بقى .. هتجننونا
الكابتن : كل ده مش مهم
فتحى : مش مهم ؟؟
الكابتن : طبعاً .. المهم أنك كنت بترد عليهم
فتحى : "ساخراً" أرد .. آه .. أرد
الكابتن : "لسمية" إسمعى يا سمية .. إنت
تجهزى نفسك .. أكيد الناس هتجبلأك
دلوقت .. طبعاً إنت فاهمة هتعملى آيه
سمية : طبعاً يا كابتن تعليمات سيادتك هتتفد
بالحرف
الكابتن : إحنا بيننظم رحلة واحدة فى الأسبوع
سمية : ولا بناخدش أكثر من عشرة فى الرحلة
الكابتن : وورقة التعليمات الخاصة تسليمها لكل
واحد وتمضيه عليها
سمية : تمام يا أفندم .. أحدد لهم المكان إالى
هيننظروا فيه
الكابتن : ما تتسبش يا سمية .. كل رحلة لها
مكان إنتظار مختلف .. غير مكان
الرحلة إالى قبله
سمية : حاضر يا أفندم
الكابتن : وممنوع تتفقى مع حد على أى أجو ..
إحنا إالى يهمننا خدمة الناس قبل أى
حاجة .. الأمور دى هنتفاهم فيها وإحنا
راكبين الفركوك الفنتازى

فتحي : لكن يا كابتن أنت متأكد إنك الوحيد
إلى يعرف مكان البلد دي .. ؟

الكابتن : يا فتحي أنا إلى مكتشفها .. ومتأكد من
أن مفيش غيرى يعرف طريقها .. ميت
مرة تسألنى السؤال ده .. وميت مرة
أرد عليك وأكد لك .. وبعدها تسألنى
" مقلدا له " متأكد يا كابتن ؟ .. وأرد
عليك أقولك مالك يا فتحي .. تقولى
أبدأ مفيش .. لكن أنت اكتشفتها إزاي
.. وأجوبك يا فتحي ..

فتحي : " مقاطعا " خلاص يا فندم .. خلاص
الكابتن : لا .. هاجوبك للمرة الألف يا فتحي ..
(يلتفت فى أنفه وكأنه يحفظه حتى
يتأكد من أن الكلام يدخل أنفه)
يا فتحي .. سامعنى .. كنت بأعمل
جولة بالفركوك .. أقصد يعنى كنت
طالع طالعة .. رحلة يعنى .. أو عملية
استطلاع باستطلع فيها المناطق
المختلفة وبالمرة أجرب إختراعى ..
الفركوك الفنتازى .. وطبعاً فاكراً الباقي
.. ولا أكمل ؟

فتحي : لا .. فاكراً .. فاكراً يا كابتن

الكابتن : فاكراً أيه ؟

فتحي : خلاص يا فندم .. فاكراً والله العظيم
فاكراً

الكابتن : لا .. أكده لى .. لازم اسمع منك عشان

ما عدتش تسألنى تانى
فتحى : فاكرا يا كابتن .. سيادتك وانت بتستطلع
اكتشفت وجود البلد الجديدة دى . لفت
نظرك انها غريبة فى شكلها قربلتها
ولقيت على بوابتها الإعلان والشروط
كتبتھا

الكابتن : ولما جيت هنا طبعتها
فتحى : خلاص يا فندم عارف .. وقررت أنك
تعمل للناس رحلات توديعهم البلد دى
الكابتن : مش رحلة خليك دقيق فى كلامك ..
إحنا هناخد الناس إلیى قرررت أنها
تعيش هناك .. حسب شروط البلد ..
يعنى هنوديعهم بس .. مش هنرجعهم
.. "لسمية" تمضى كل واحد على كده
فى العقد .. أكدي عالشرط ده يا سمية
.. إلیى ناوى يعيش هناك بس هو إلیى
يجى معانا .. تمضيهم على كده ..
وبالذات قدام الشرط ده .. تتأكدى من
كده بنفسك .

سمية : يعنى تمضى مرتين يا فندم
الكابتن : ما فيش مانع .. مرة قدام الشوط ده ..
ومرة تانية فى آخر العقد
فتحى : يعنى أیه ؟ يمضى على أنه هيروح ولا
يرجعش ؟!
الكابتن : وإحنا مالنا يا فتحى .. إلیى هيروح ..
لازم يكون ناوى يعيش هناك

فتحي : يروح ما يرجعش ؟
الكابتن : شرط البلد كده
فتحي : يرحوا ولا يرجعوش ؟
الكابتن : لازم يكونوا عارفين كده .. إحنا مش
بنضحك على حد .. إحنا بنخدم الناس
.. هنوديهم البلد الحلم .
- سـتار -

المشهد الثانى

المنظر : (مكان شبه صحراوى .. صخرتان كبيرتان تستخدمان فى الجلوس .. مجموعة كبيرة من الناس .. تحوى أنماط مختلفة .. مهندس شاب .. فلاح .. شيخ .. شابة .. صبي .. شاب يجلس على صخرة .. رجل تظهر عليه علامات الثراء .. وغيرهم جميعاً معهم حقائب سفر .. ويلاحظ وجود لافتة كبيرة مثبتة فى الأرض ومكتوب عليها " هنا مكان تجمع الفوج الأول للسفر على متن الفركوك الفنتازى المتوجه إلى البلد الجديدة .. مع تحيات شركة الفركوك الفنتازى للسياحة " ..)

الفلاح : " لنفسه " والله مانا مصدق الموضوع ده .. بقى ده معقول .. أنت " للمهندس " تصدق أن فيه بلد بالشكل ده ..

المهندس : " منقبها " هه .. أنت بتكلمنى ؟

الفلاح : أنا مش مصدق .. لكن قولى قبلا .. أنت بتشتغل أيه ؟!

المهندس : أنا يا حاج ؟ .. مهندس

الفلاح : حلو الكلام .. وأنت بقى رأيك أيه ..

أصدق ولا ماصدقش ..؟

المهندس : لا .. صدق يا حاج

الفلاح : اصدق إن فيه بلد كل حاجتها ببلاش ؟

المهندس : ما هو كمان .. أنت هتستقل ببلاش .
الفلاح : سبحان الله .. إلی یعیش یا ما ..
" متوجها للصبي الى معه " واد يا
عويضة .. يظهر إن أيامكوا هتبقى
عال .. باين حالها هيتعدل ..
(يبتسم عويضة)
(يقف الشاب الجالس .. يتحرك بين
الموجودين متفحصاً ثم يعود ليجلس
ولكن على الصخرة الثانية)
الشيخ : هذا الشاب منذ أن حضرت إلی هنا
وهو على هذا الحال .. وكأنه يبحث
عن أحد أو ينتظر أحد
الفلاح : خرينا فى حالنا ربك أعلم بالعباد
(تدخل فلاحه بسرعة ومعها حقيبة
وكرتونة مربوطة .. يبدو عليها التعب
.. تلهث .. تتجه ناحية الشابة)
الفلاحه : عواف يا بنتى
الشابة : صباح الخير
الفلاحه : قوليلى والنبي يا بنتى .. هى مش دى
برضه المحطة إلی بيروحوا منها البلد
إلی بيقولوا عليها ؟
الشابة : هيه يا حاجة .. والياطة مكتوبة أهى
الفلاحه : يباركلك فى شبابك .. لكن يا بنتى
مالقوش غير المكان ده نتجمع فيه ..
ده حتى مفيش عربيات بتمر عليه !
الشابة : والله يا حاجة ذى ذيك، لكن ما تقلقيش

الفلاحة : ربنا بطمنك يا بنتى .. د انا أملى كله
فى البلد دى .. أول ما سمعت عنها ..
ماكتتش مصدقه روحى .. ماكدبتش
خبر .. حزمت حاجاتى وجيت طوالى
.. معلش يا بنتى .. الناس بقت وحشه
.. بقيت حاسه بانى ماليش مكان بينهم
عشان كده أما سمعت عن البلد الجديدة
دى .. مافكرتش كتير .. قلت أروح
البلد إالى فيها الناس الطيبة .. وليه ما
أروحش ؟ .. أروح وأشوف مش
هيفس على حاجة .. ولو كنت شاكه
فى حاجة .. الميئة هتكذب الغطاس ..
الفلاح : الذى كان منتبها لكلام الفلاحة ..
متوجها للشاب الجالس والله يا بنى
مباين لها ميئة ولا غيره .. ميئة أيه فى
الحنة المعزولة دى
(الشاب لا يرد)
الفلاح : " متخاذلا " إهى .. أضحك .. أضحك
يا راجل
" لا يرد .. فيوجه كلامه للشيخ "
هو الموضوع ده أيه ؟ " قاصدا الشاب "
الشيخ : ربك أعلم بالعباد .. ألم تقل هذا منذ
قليل ؟
الفلاح : " متخاذلا " طيب إالى يعيش يا ما ..
الشيخ : " للمهندس " وكم معاك الساعة يا
عزيزى ؟

المهندس : تسعة .. فاضل ساعة على الميعاد
الشيخ : وهل أنت مصدقاً أمر هذه البلد الجديدة
وما تردد عنها من كلام ؟!
المهندس : والله يا مولانا .. أنا عن نفسي مالبش
غير انى أصدق .. لأنها الحاجة إल्ली
باحلم بها
الشيخ : لقد كنت أصدق .. ولكن كلما طال بنا
الانتظار .. يراودنى الشك فى أن هذه
كذبه
الفلاح : " الذى كان منتبها لكلام الشيخ " يعنى
ما فيش ولا واحد مالموجدين هنا
متقائل خير .. ورغم كده الناس جاية
!..
الفلاحة : أدينا بنستنى .. والميَّة تكذب الغطاس
الفلاح : يا ست ميَّة أيه دى إल्ली كل شوية
تجرى بيها ريقنا .. داحنا كمان فى
حثة مقطوعة .. دى ولا الصحرا !
الفلاحة : يوه .. دوغرى صحيح .. إلا ملقوش
غير المكان ده عشان نستنى فيه ؟
الفلاح : يا ريت على كده وبس .. دا أنا الفار
بيلعب فى عبي ..
الفلاحة : .. فار .. فار أيه ده إल्ली أنت جاييه
معاك ؟!
الفلاح : باقول يعنى لتكون خطة معمولة عشان
حد يخطفنا .. أو يخطف الفلوس إल्ली
معاننا ..

" للصبي " .. تبئت في الشنطة إल्ली

في إيدك ياوادي عويضة ...

الشابة : انتو إيه بس إल्ली قالقكوا يا جماعة ..
كل حاجة لغاية دلوقت مضبوط ؛ المكان
إल्ली قالوا عليه أهه .. والميعاد لسه
بدرى عليه .. أنا شايفه إن مافيش
داعى للقلق .

الفلاح : طب أشمعى المكان المقطوع ده بالذات
الشابة : أنا سألت الكابتين صاحب الشركة قللى
لو المكان فى وسط البلد أو على طريق
سفر .. الناس إल्ली هتتجمع عشان
تروح البلد هتكون كتيرة قوى .. وهو
ما يقدرش يودى أكثر من عشرة فى
الرحلة وما يقدرش يودى أى حد إلا
إल्ली متأكد منه ، وعشان كده كمان
بيضطروا أنهم يغيروا المكان فى كل
مرة .

الشيخ : ولكن .. أليس من الغريب أن لا نعرف
شئ عن هذه البلد من قبل ؟

المهندس : يامولانا حسب كلام الشركة .. أن البلد
دى اكتشاف .. يعنى عرفوها بالصدفة
وما حدش كان يعلم عنها حاجة والأكثر
من كده .. أن مكانها مافيش حد ممكن
يعرفه .. ويمكن ما تكونش ع الكرة
الأرضية

الفلاحة : " مذعورة " بتقول إيه يا خايبا ..

أمال هنروحها بآيه .. بصاروخ ؟
المهندس : بيقول إننا هنركب حاجة من اختراع
صاحب الشركة .. اسمها الفركوك
الفتنازي وأنا عن نفسي عمري ما
شوفت الفركوك ولا أعرف حاجة عنه
الفلاح : إسمه آيه يابني ؟ .. فر فر نازي ؟
المهندس : اسمه الفركوك، مكتوب على اللوحة أهه
يا حاج .. الفركوك الفتنازي
الفلاح : إهي .. طيب .. إللي يعيش يا ما
(يتحرك الشاب .. يتفحص
الموجودين .. يركز قليلا على
الشرنوبى)
الشرنوبى : " تاركا مكانه متجهاً للأخريين " ..
الجدع ده أمره مريب .. من ساعة
ماجيننا وهو عمال يلف ويدور حولينا
.. أنا مش عارف حكايته آيه بالظبط ؟
الشابة : لكن ده معملش حاجة .. إحنا ما
شوفناش منه حاجة غريبة .. إلا حكاية
إنه مبتكلمش معنا
الفلاحة : يمكن يا خويا يكون أخرس ..
وياحباية قلبى مش عارف يتكلم معنا
الشرنوبى : لأ .. ده مش أخرس .. ده بيسمعنا
وواحد باله منا كويس .. أنا ملاحظ
عليه كده من ساعة ماجيت .. ده أول
واحد فينا جه هنا
الفلاح : يمكن يكون واحد من موظفين الشركة

وهو اللي بيستنى هنا
الشرنوبى: وليه مقالش لغاية دلوقت .. لأ .. شكله
ما بيقولش كده ..
الفلاح : ببقى واحد مالعصابة إالى هتخطفنا
الشيخ : يا جماعة دعوا الملك للمالك .. لا
تعطوا الأمر أهمية أكثر من اللازم ..
أنه على ما يبدو يرغب فى السفر مثلاً
وبالتأكيد أنه قلق من الانتظار
(تدخل سيدة جميلة .. تتفحص
الموجودين .. وكأنها تبحث عن أحد
.. وعندما تلمح الشاب الجالس تقف
أمامه وكأنها عثرت على من تبحث
عنه .. تتردد)
لولا : كنت متأكدة أنى هلاقك هنا ..
(الشاب لا يهتم .. تتركه وتمر من
أمام الشيخ)
الشيخ : أسْتَغْفِرُ الله .. أسْتَغْفِرُ الله .. "
للمهندس " قلت لى يا عزيزى ماذا
تعمل ؟
المهندس : أنا ما أعرفهاش
الشيخ : من هذه التى لا تعرفها
المهندس : " مقلداً " هذه السيدة " مشيراً إلى لولا "
الشيخ : أنا بأسالك أنت بتشتغل أية ؟ .. أقصد
أسألك عن مهنتك ؟
المهندس : هى الحكاية أية .. كل واحد يجى جنبى
يسألنى عن شغلتى .. اشمعنى أنا ..

مهندس .. بشتغل مهندس
الشيخ : ما شاء الله .. بارك الله فيك
(يدخل رجل يحمل حقيبة .. يرتدى
نظارة وسرعان ما يلوح الشرنوبى
فيتجه إليه)
عبد العاطى : مش معقول .. الشرنوبى بيه !
الشرنوبى : عبد العاطى ؟!
عبد العاطى : يا محاسن الصدف !
الشرنوبى : عبد العاطى بيه ؟ فعلا صدفة
عبد العاطى : لكن بالنسبة لى مش صدفة .. أنا زى
ما أكون حاسس بأنى هلاقيك هنا ،
عشان كده أول ما دخلت دورت فى
الموجودين .. ما أنا عارفك .. أنت مل
تفوتكش فرصة
(يلاحظ تحرك الشاب حولهما ..)
الشباب : " منولج داخلى " ماشاء الله ! وانتوا
كمان راحين دى كملت .. طب إنتوا
راحين ليه ؟ ده ما فيش حد لسه ما
جاش .. أمال شروط أيه بقى إالى
بيقولوا عليها .. ؟
الشرنوبى : " متجاهلا الشاب " يا عبد العاطى بيه
.. واللهم يا حبيبى ولا لك على يمين
.. أنا برضه كنت حاسس بكده ..
حاسس بأنك جاي حاجة كده مرت
بخاطرى قبل ما تدخل هنا بلحظة يعنى
أنت كنت على بالى .

الفلاح : " الذى كان ينصت لحديثهما " آيه ده !

ولى من أولياء الله ؟! " يضحك "

القلوب عند بعضها .. ربنا ما يحرمكوا

من بعض

(يدخل رجل .. يتجه للوقوف بجوار

لولا التى شدت إنتباهه)

الدمنهورى : السلام عليكموا ..

عليكوا السلام ورحمة الله

.. ..

الدمنهورى : " للولا " صباح الخير يا هانم

لولا : صباح الخير .. أف .. أمتى يجوا

الجماعة إالى هىخدونا .. أنا مابحبش

الجو ده

الدمنهورى : يظهر أن الهانم واقفة هنا بقالها مدة

كبيرة .. عالعموم يا هانم ماتتلاقيش ..

ما عدش كتير

لولا : " ناظرة للشباب الجالس " لكن أنا ما

بحبش جو الانتظار ده .. أنا مروحة

الفلاح : " يستوقفها " أصبرى يا بنتى ..

صبرك بالله .. دانتي ما بقلكش دقايق

.. أمال إحنا نعمل آيه إالى واقفين م

الصبح ؟

لولا : ما أنا مش عارفة آيه إالى يخليكوا

تصبروا بالشكل ده وفى مكان زى ده

.. أنا بدأت أخاف أنا بتهيللى ان

الموضوع بتاع البلد دى كدبة .. فصلى

واتعمل فينا

[أغنية على لسان الشاب يتضح منها
رفضه أن تكون البلد الجديدة مجرد
كديّة .. ويتضح لنا أنه كان يحلم بمثل
هذه البلد وأنه طالما انتظر هذا الحلم
.. من الممكن تداخل بعض الموجودين
للمشاركة معه في القناء فيصرخوا
بأمنيّاتهم وهم : المهندس .. الشابة ..
الفلاح .. الفلاحة ..]

(تدخل السكرتيرة)

سمية : صباح الخير

الفلاحة : الحمد لله .. الست السكرتيرة جت أمي

(يلتفوا حولها)

أصوات : هي أيه الحكاية .. الموضوع أيه؟ ما

فيش لا طيارات ولا غيره ..

أنتوا بتضحكوا علينا ولا أيه

سمية : السلام عليكموا أول

لولا : سلام ورحمة .. إتكلمي يا حبيبتي ..

أيه حكايتكوا ؟

سمية : أنا مش عارفة أنتوا عاملين كده ليه ..

أيه إلی حصل ؟

الفلاح : أقولك أنا ؛ قولت لنا نيجي هنا نستتي ..

جينا ما لقناش غير الياطرة دي وبس .

مالقناش حاجة تانية خالص .. ولا حد

منكوا .. يبقى لنا نقلق ولا لا ؟

أصوات : أيوه صحيح .. بقى ده كلام ده ..

بتلعّبوا بالناس !؟

سمية : من فضلوكوا .. " محاولة امتصاص
ثورتهم " من فضلوكوا أولا إحنا ما
بنضحكش علي حد .. إحنا خدنا من
حد حاجة عشان نضحك عليه .. ثاني
.. إحنا ذنبنا أيه اذ كنتوا جيتوا قبل
الميعاد .. إحنا كل حاجة عندنا ماشية
بالنظام والمواعيد .
الفلاحة : لكن يا بنتى برضه ..
الشابة : خلاص يا حاجة " محاولة لتهدئت
الموقف " الشركة فعلاً ما غلطتش
عشان نتكلم كده
(سمية تتحرك بين الموجودين وكأنها
تعددهم)
سمية : وبعدين الناس دى كلها جت منين
وجاية ليه ؟
أصوات : " متداخله " إحنا عاوزين نروح البلد
الجديدة .. أيوه عاوزين
سمية : إسمعوني .. إسمعوني .. كل إالى
عاوز يروح هيروح .. لكن .. لكن ..
إحنا ما نقدرش نأخذ الناس دى كلها
أصوات : إزاي يعنى ؟ ليه؟ هو أنتوا هتلعبوا بنا ؟
سمية : " مهدئة " يا جماعة .. اسكتوا عشان
أتكلم .. إسمعوني بس ، إحنا ما
نقدرش ناخذ أكثر من عشرة ..
الفركوك إالى هيوصلوكوا ميشلش أكثر
من عشرة

... .. : يعنى أيه يعنى .. هنرجع ؟
سمية : العشرة إالى اتفقت معهم همسه إالى
هيركبوا ، أنا معايا كشف بأساميهم لو
سمحتوا .. إالى عقده معاه ومكتوب فيه
تاريخ النهارده بجيبه ويجيب معاه
تحقيق الشخصية .
الدمنهورى : خلاص يا خويا .. إالى مش ميعاده
النهارده يفضها ويرجع
(تذمر بعض الموجودين)
الشباب : " منولوج داخلي " بتهينلى كل حاجة
الوقت بقت واضحة .. كل الناس
هتروح البلد الجديدة .. إالى مش
هيروح النهارده . هيروح بكرة .. أيه
رايك بقى ؟ .. هتروح برضه ولا لسه
هتفكر ؟!
الشرنوبى : إتفضلوا لو سمحتوا .. ما فيش داعى
للسوشرة ..
(بعض الأفراد يبدأ فى إبراز العقود
وتحقيق الشخصية والبعض الآخر يبدأ
فى الانصراف)
الشيخ : فعلا ليس هناك أفضل من النظام
والالتزام .
(يسمع صوت غريب يثير الخوف)
الفلاحة : وبعدين بقى .. أنا من ساعة ما جيت
وأنا مش مطمئة
لولا : " فى خوف " أيه الصوت ده ..

(تتحرك إلى جوار الشاب يزداد
الصوت اقتراباً)

الفلاح : نهار مش فايت .. خبر أيه يا ولاد ؟
سمية : متقلقوش يا جماعة .. الصوت ده أنا
متعودة عليه

لولا : مش فاهمة .. يعنى أيه متعودة عليه ؟ ..
سمية : ده صوت الفرkok الفنتازى .. أنا
عمرى ما شفته لكن ديماً أسمع صوته
عبد العاطى : ربنا يطمئنك إنت كمان عمرك ما
شوفتيه

(سمية تتركهم وتجلس على واحدة
من الصخرتين تتفحص الأوراق ..
الصوت يقترب أكثر .. الجميع ينظر
إلى مصدر الصوت)

الشرنوبى : أيه ده ؟ " مشيراً إلى مصدر الصوت "
الشيخ : سبحان الله .. ده حاجة غريبة
الفلاح : صحيح إللى يعيش ياما ، يا ترى يطلع
أيه ؟

الفلاحة : ده أتوبيس
لولا : لا مش أتوبيس .. ممكن يكون طيارة
المهندس : لا .. لا طيارة ولا أتوبيس
الشيخ : أهو إذن طبق طائر كما نسمع فى هذه
الأيام

المهندس : ده أكيد الفرkok الفنتازى
الدمنهورى : " مقترباً من لولا " لفيت العالم كله ..
لكن أول مرة أشوف الشيئ الغريب ده

لولا : أنا خايفة
 الدمنهورى : ماتخافيش يا .. يا .. اسمك .. ؟
 الفلاح : " مقاطعاً له " وهو ده وقت تعارف .. !
 " للولا " .. يا بنتى إحنا كلنا مع بعض
 ما تخافيش
 عبد العاطى : الله ! دى جاية على هنا !
 الشيخ : وبعد هالك يا عزيزى، تخلص من
 خوفك هذا
 الدمنهورى : دى وقفت !
 الفلاحة : ليكون فيها قنابل ولا حد جاى يخطفنا
 دى ماباشوف فى التلفزيون
 الفلاح : " للصبي " .. خليك ماسك كويس فى
 الشنطة يا واد يا عويضه ..
 لولا : " ناظرة للشباب " أنا عارفه كان آيه
 إالى خبلنى فى عقلى وخلانى جيت هنا
 عبد العاطى : ده الباب بيتفتح
 الفلاح : إمسك فى الشنطة جامد يا وگه
 الشرنوبى : وده آيه كمان إالى خارج منه ؟ ده
 راجل واحد
 عبد العاطى : لا .. فيه واحد تانى نازل وراه
 الفلاح : هالله هالله .. الحكاية باننت .. دى
 العصاية
 عبد العاطى : جاين علينا
 الفلاحة : " تتعرف على أحدهما " .. الله .. ده
 الراجل اللي كان بيوزع الإعلانات
 (يدخل فتحى)

فتحي : السلام عليكم
 الفلاح : لولا سلامك سبق كلامك ..
 (يدخل الكابتن)
 الكابتن : الرجل يقول سلام عليكموا .. أيه
 مالكو .. ساكتين ليه ؟
 الفلاح : " لفتحي " فعلا .. انت إلسى ادتنى
 الإعلان .. أيه ده يا خويا .. أنتوا
 جايينا تتسلوا بينا
 فتحي : أعرفكووا بالريس على .. أقصد
 أعرفكووا بالكابتن .. صاحب الشركة ..
 وصاحب الفركوك ده وإللى لازم نلتزم
 قدامه بكل التعليمات ويكون قلبنا جامد
 أثناء الرحلة
 الكابتن : أيه يا سمية .. كل حاجة تمام ..
 إتاكدتى من الأوراق بتاعتهم
 سمية : تمام يا كابتن .. كله تمام دول العشرة
 بتوع الرحلة دى
 فتحي : وزى ما انتوا شايفين كده الفركوك ده
 .. حاجة كده لاهى أتوبيس ولا طياره
 .. وهو ده إللى هيوديكووا البلد الجديدة
 الفلاح : يقصد يقول ده إللى هيوديكووا فى دمية
 فتحي : يا حاج مش كده لا سمح الله .. دانتوا
 راحين بلد الأحلام
 المهندس : أتكلم يا ريس .. أيه نظام الفركوك
 الكابتن : خلاصة إختراعاتى خبرة أربعين سنة
 فتحي : الكابتن على دماغه كلها ميكانيكا

الفلاحة : عجائب . صحيح فى دى بقى إالى
يعيش ياما
الكابتن : لسه كمان
.. .. : أيه تانى ؟
الكابتن : لو مدة العوم انتهت .. ممكن النظام
يتعدل حسب الحالة الجوية فمممكن
أحوّل الفرکوک لنظام الغواصة عشان
تغوص تحت المية
الفلاحة : يا مصيبتى
الكابتن : كان لازم أقولكم ع النظام ده عشان
تكونوا مطمئنين ولا يحصلش أى هوج
أثناء الرحلة
الفلاحة : لأ يا خويا .. أنا مش ممكن أركب
معاكوا البعكوك ده
فتحى : أسمه الفرکوک يا حاجة
الفلاح : أصبرى يا حاجة .. ما كلنا مع بعض
أستنى معانا .. وهو يا بنى مافيش
حاجة تودينا البلد دى غير الفرطوط
النازى ده ؟
الكابتن : البلد دى أنا إالى كتشفته ولا فيش حد
غيرى يعرف طريقها .. كمان ما فيش
أى مواصلة تانية توصل للبلد دى غير
الفرکوک .. ؟
الفلاحة : يعنى أيه .! أركب معاكم ؟!
" لنفسها " أركب .. أه أيه المانع ..
وأيه إالى يخلينى أخاف .. ما هو أنا

لازم أروح .. وعشان أروح لازم
أركب معاهم أيه . يعنى إالى هاخاف
عليه .. أنا سببت حياتي كلها .. يبقى
ها خاف على أيه .. لازم أروح ..
مش ممكن أرجع تاني للعيشة إالى كنت
عشاها .. مش ممكن أرجع للذل ده
تاني .. آه مش ممكن أرجع

الفلاح : فيه أيه يا حاجة ؟

الفلاحة : لأ .. مفيش يا خويا .. خلاص ..
أمرى لله .. جاية معاكوا .. وطالما
قاصده خير .. يبقى ربنا هو إالى
هيتولاني ..

الكابتن : أولا .. الفرقوك ده له عدد معين ..
ماينفعش يتحرك غير بالعدد المحدد له
.. صممه على هذا الأساس .. أى
زيادة فى عدد الركاب تسبب له خلل ..

فتحي : يعنى العشرة الموجودين هنا حسب
الاتفاق هيركبوا ويوصلوا البلد بالسلامة
إن شاء الله

الكابتن : كمان أسلوب الفرقوك الفنتازى بتاعى
ده عجيب .. يطير شوية .. ويمشى
شوية .. يمشى شوية .. ويطير شوية
.. يطير شوية

الدمنهورى : ويمشى شوية .. وبعدين

الكابتن : لأ .. ما هو ما بيطرش بمزاجى ولا
بيمشى بمزاجى .. هو له مدة معينة فى

الجو أمّا بتخلص يهبط ويمش

ع الأرض

المهندس : طب وأيه المشكلة فى كده ؟

الكابتن : أنا عاوز أطمنكوا بس .. عشان يعنى

ما تخافوش .. لأنه من الممكن أننا

نكون فوق بحر مثلاً .. وتنتهى مدة

الطيران

لولا : يعنى أيه .. هنقع فى البحر .. إحنا

الظاهر وقعنا فى إيد مجانين

الكابتن : حضرتك بس ما تتسرعش .. الفرقوك

ده ممكن كمان يعوم .. وممكن يكون

غواصة تحت الميَّة أهم شىء انكوا

تتبعوا التعليمات وتراجعوها

الشابة : مش فاهمة تقصد أيه .. يبقى غواصة

إزاي ؟

الكابتن : أقولك .. كل حاجة لها مدة معينة تقريبا

يعنى مثلاً تلت ساعة .. يعنى يطير

تلت ساعة ولما تنتهى مدة الطيران

هتسمعوا صوت إنذار .. مالكوش

دعوة من الإنذار ده لى أنا عشان اعدل

النظام من الطيران للمشى ده إذا كان

إلى تحت الفرقوك أرض أما إذا كان

بحر باعدل النظام بحيث أن الفرقوك

يعوم

الشيخ : الحمد لله .. اذن ليس هناك مشاكل ..

وأنا عن نفسى ليس لى ما يجعلنى

أتردد فى مواصلى لإكمال هذه الرحلة
الشرنوبى: خلاص .. يلا بينا يا جماعة
ع الفر كوك
فتحى : يالاً .. يا لاً .. هى عمارة من غير
بواب .. فيه نظام يا أستاذ وفيه اتفلق
هنتفاهم فيه
(يلاحظ أن الشاب تارة يتابع الحديث ..
وتارة أخرى ينصرف عنهم ويجلس
على الصخرة ..)
عبد العاطى : نتفق مابنا متفقين
الشرنوبى : هو فيه لسه اتفاق .. نتفق على أية
يا كابتن ؟
الكابتن : قولتلى نتفق على أية .. عليك نور
الفلاح : واللى أوله شرط أخره نور
الكابتن : عليك نور يا حاج .. عشان كده فيه
حاجة لسة ما تفقناش عليها ولازم نتفق
فيها هنا عشان ما نختلفش فى السكة
الدمنهورى : أية هى يا بنى .. قول ..
الكابتن : حاجة بسيطة .. والكلام ميزعلش ..
بالتأكيد انتوا فهمتوا قاصدى .. الأجر
" لسمية " إنت طبعاً ما تفقتيش معاهم
فيها
سمية : حسب تعليمات سيادتك ياكابتن .. كل
حاجة موجودة فى العقد .. وبند
الأجر أنت قولتلى ..
الكابتن : " مقاطعا " فاكرك .. فاكرك

لولا : أيه حكايته ! إنتوا هتشاطونا لبعض
ولاً أيه ؟!

الشيخ : تكلم يا أخى .. تكلم ولا داعى
للمقدمات .. ماذا تريد ؟

الكابتن : إطمنوا .. إحنا طلباتنا بسيطة .. مش
هتكون فوق طاقتكم ..

الفلاح : مش فاهمة ؟!

الكابتن : إحنا هنطبق شروط المدينة الجديدة ..
يعنى مش هنختلف معاكم عن إللى فى
العقد .

لولا : برضه لغاية دلوقتى ما قولتش حاجة
الكابتن : سيبونى أكمل كلامى .. أنتى كل شوية
تقاطعينى ليه ؟

لولا : أنت إللى مش بتقول كلامك على بعضه
.. مش واضح .. كل شويه تلف وتدور

الفلاح : أنت ليه طبعك حامى كده يا بنتى ؟!

لولا : انت مش شايف بيقول أيه ؟

الفلاح : معلش .. إحنا علينا الاستحمال ..
لازم نقدر ظروف بعض .. اتكلم يا
بنى عاوز كام ؟

الكابتن : زى ما قولتكم .. مش هاحملكم أكثر
من طاقتكم

الشابة : يعنى أيه .. ؟

الكابتن : دلوقتى إنتوا راحين البلد الجديدة ..
وطبعاً زى ما عرفتوا — الشروط
بتاعتها أنها بتعاملش لا بفلوس ولا

بأى حاجة تانية
الشابة : وده علاقته أيه بالأجرة ..
الكابتن : عشان كده أى حاجة معاكوا ملهاش
لازمة والناس إالى فى البلد هيمنعوا
دخولها ..
(تذر من الموجودين يعنى عدم فهمهم)
" مواصلا " يعنى إالى معاكوا هاخدة
.. طبعاً الفلوس كلها والمصوغات
وخلافه
الشيخ : ماذا نقول يا عزيزى وهل هذا
معقول ؟ ونصبح بلا نقود !
عبد العاطى : دى تبقى عملية نصب
الكابتن : من فضلوكوا مفيش داعى للغلط .. إحنا
بننتق وإلى مش عاجبه ..
الشرنوبى : فعلا دي أمور قرصنة .. طب ما
قولتش كده ليه م الأول ؟
الفلاح : أنا قولت كده م الأول ولا صدقتونيش
.. دول عصابة .. جايينا هنا عشان
ينصبوا علينا .. الحكاية بقت واضحة
خالص .. واد يا عويضة .. " يبحث
عنه " هو راح فين الواد .. أنت يا واد
يا عويضة ..
(يجده جالسا بجوار الشاب)
تعالى هنا .. أيه إالى وداك هناك ..
تعالى .. امسك فى الشنطة جامد ..
الدمنهورى : " للكابتن " كلام أيه بس يا كابتن ..

دانا إلی أعرفه أنك متساهل أكثر من
كده .. طبعاً .. أنت راجل متقف وعالم
ومخترع كبير ومفروض أنك وحسب
ما قولت قبل كده .. أن الحاجات دى
ما بتدققش قوى فيها
عبد العاطى : فعلاً .. أنت بنفسك إلی قولت كده ..
واحنا مش هنختلف
فتحى : خلاص يا كابتن أتدخل أنا وأقول حل
وسط ؟
الشيخ : طبعاً إذا كنت ستقول شىء معقول
فسيوافق
الفلاحة : واحنا يا خويا هنوافق .. أنت باين
عليك ابن حلال
الكابتن : عاوز تقول أیه يا فتحى ؟
فتحى : بقول يعنى إحنا نسيب لكم الشنط
والأوراق والمصوغات وتعطوننا
الفلوس
الكابتن : طبعاً مش موافق
لولا : ومين قال أننا موافقين
فتحى : يا جماعة عشان الرحلة تقوم ببقى لازم
يكون الطرفين موافقين
الكابتن : ببقى أخذ الفلوس والمصوغات وأسبب
لهم الشنط والأوراق
فتحى : يا كابتن ومين قالك بس أن فيه حد معا
مصوغات .. ده زى ما أنت شايف كده
الحريم الموجودين ثلاثة بس وبالكثير

أوى لو كان واحدة منهم إالى معاها
مصوغات

لولا : أنا عن نفسي ما معيش
فتحي : خلاص .. يعنى ما فيش حد معه
مصاغ يبقى لما تيجى منك أحسن ..
بلاش كده أقول لك حاجة ثانية ..
افترض أن إالى معاها مصاغ ما
وافقتش ورجعت ولا رضيتش تيجى
معك .. يبقى أنت فى الحالة دى
لوخدتها هتكون الكسبان .. فكر كده فى
كلامى قبل ما ترد

سمية : أنا شايقة أن كلام عم فتحي معقول
يا كابتن

الكابتن : إنت شايقة كده يا سمية .. خلاص
شوفى الكشف إالى معاك ونادى ع
الناس إالى طلعة معنا الرحلة
الشيخ : حيث كده بقى " لفتحي " هل هذا يصلح
معكم " يعطيه كارنيه "

فتحي : أيه ده ؟

الشيخ : ده تصريح مجانى

فتحي : ليه .. تابع للداخلية ؟

الشيخ : لا يا عزيزى أنا تابع لنقابة الشيوخ

فتحي : لا يامولانا .. ما يمشيش معانا

الشيخ : إذن أمرى لله .. أدفع الفلوس

المهندس : لكن أنا بقى ما معايش

الكابتن : وإلى ما معاهوش ما يلزموش

المهندس : بس أنا لازم أروح .. أنا نظمت
مستقبلي على كده .. أعيش هناك ..
أحلامي كلها مش ممكن تتحقق غير في
البلد دي .. مش ممكن تتحقق غير
هناك .. إنما هنا وفي الظروف دي ..
مش ممكن

فتحي : طب وإحنا يا بني هنعملك أيه بس ..
الكابتن : يا لآ يا سمية .. نادى ع الناس
المهندس : مش حتتحركوا من هنا من غيرى
الشيخ : إهدأ يا عزيزى .. ستكون معنا إن شاء
الله

لولا : والله ما هو باين لها حركة .. دي كل
دقيقة نتعقد أكثر

الشباب : " لنفسه " معقول كل دول يروحوا .. ؟
وطبعا أكيد فيه زيهام موجودين هناك
" رافضا " مش ممكن .. ومش ممكن
دول يروحوا .. مفروض إللى يروح
مش أى حد .. أنا بس إللى لازم أروح

الفلاحة : " فى يأس " أنا تعبت .. أنا هقععد ..
ع الأرض على ماتنتهوا

الشابة : أنا مش شايقة مشكلة يا جماعة .. أنت
دلوقت يا كابتن مش متفق معنا ؟

الكابتن : تقصدى أيه ؟

الشابة : انت اتفقت تأخذ كل الفلوس إللى معانا
.. سواء كتير أو قليل

الكابتن : لكن ما قولتش مش هأخذ

الفلاح : ده ده يا ريس .. المليون يصب فى
الفاضى
الدمنهورى : لا يا ريس أنت اتفقت ولازم تلتزم
بكلامك
فتحى : عدى دى كمان يا كابتن .. ما تدققش
ومشيها
الكابتن : أنت يا فتحى إللى هتجبنا لورا
المهندس : خلاص .. يا لا بينا يا جماعة
الكابتن : أيوه .. يالا بينا .. أنت دافع حاجة من
جيبك .. لكن أيه ده إللى فى أيديك
المهندس : ده جرنان .. إذا كان يلزمك خده ..
دور فيه يمكن تلاقى فرصة عمل ..
ولا أقولك استنى أما أقرا لك بختك ..
إسمع يا سيدى .. حظك بيقول ..
بيقول .. آه .. توقع حدوث زيادة فى
الأسعار
الشيخ : " مهندنا للموقف " هاها ها " للمهندس
" لا تكثر من هذا الكلام يا عزيز حتى
لا يعود ويقلب عليك تانى
المهندس : لا صحيح يا كابتن .. أنا قاصدى
مصلحتك برضه .. الجرنال أهه يعنى
أنا جايب حاجة من عندى .. شوف
كمان مكتوب أيه .. قص حول هذا
الكبون وأرسله لنا .. يمكن .. يمكن
تفوز بجائزة مالية وقدرها خمسين ألف
جنيه

الفلاح : ها ها ها اضحك .. ها ها ها اضحك

يا راجل " لكابتن " .. ده بيهزر معاك

" للمهندس " لايمها بقى ما تبقاش أقرع

ونزهي

عبد العاطي : يالا بينا يا كابتن

الكابتن : والجدع إالى قاعد هناك ده " يقصد

الشاب " جاى معانا ؟

سمية : أنا شوفت أوراقه .. مطبوطه ..

وأسمه فى الكشف أهه .. أول واحد ..

والموجودين دلوقت أفراد الرحلة

فتحي : خلاص نعمتد على الله ونطلع الرحلة

الكابتن : نطلع .. وبعد كده نتولى أمر جمع

الفلوس منهم

[أغنية معبرة عن أمل للجميع الذى

أصبح قريب من تحقيق الحلم ..

ويتضح أيضا نوايا بعض الشخصيات

— سواء حسنة أو غير واضحة —

ويعبر الشاب عن سعادته بهذه المدينة

التي سيذهب إليها ...]

(أثناء الغناء تبدأ الشخصيات فى

الخروج من خشبة المسرح تدريجيا

حتى تصبح خاوية وتستمر موسيقى

الأغنية للحظات تركز فيها الإضاءة

على لافتة الشركة ..)

— تنزل الستار —

المنظر : (داخل الفركوك الفنتازى ..

يصمم بشكل خيالى مع مراعاة ظهور
عجلة القيادة وشباك زجاجى وجود
بعض المقاعد التى تكون بشكل فنتازى ..
أيضاً ، فمثلاً مقعد بسلم وآخر دائرى
وآخر من دورين .. آخر بمظلة وآخر
مستطيل .. وآخر مربع .. وتعلق
عوامة على أحد الجوانب .. توجد
ماسورة تستعمل كسور للإمساك فيها
أثناء المشى)

(الجميع فى حالة دخولهم الفركوك ..
تعليقات تعبر عن الدهشة .. مازال
الشيخ والصبي والفلاح بالخارج ..
فتحى بجوار المدخل يساعد الركاب فى
الصعود .. الكابتن ينظم الموجودين
فى جلوسهم ..)

لولا : " متعجبة " آيه ده ؟ دى حاجة ولا فى
الخيال .. (تجلس بجوار الشاب الذى
يترك مكانه ويتجه إلى مقعد آخر)

الكابتن : بصى وصلى عالنبى

الفلاحة : " فى ذهول " ياه .. آيه ده .. ده ولا فى
التليفزيون ! تليفزيون آيه دى حاجة ولا
فى بلاد بره

فتحى : خمسة وخميسة .. بَصُوا بعنيكوا

وارحموا بقلبكموا ..
المهندس : لأ.. فعلا يا عم فتحى .. الكابتن
عبرى زى ما قولت .. بس لو مكانش
طماع ..
الكابتن : بقولك آيه .. اقعد عندك ونقطننا بسكانك
الدمنهورى : " للولا " أنا رأى من رأىك يا هانم دى
حاجة ولا فى الخيال " يجلس بجوارها "
عبد العاطى : " للكابتن " أنا من رأى إننا نتفق يا
كابتن
الكابتن : نتفق على آيه ؟
عبد العاطى : عقد احتكار .. ولأ أقولك .. بعدين ..
لكن ضرورى هنتفاهم
الكابتن : أنا فايقك دلوقت .. " لفتحى " لسه
عندك حد يا فتحى ؟
فتحى : خلاص يا كابتن .. ما عدش غير تلاته
الكابتن : تلاتة ؟ أنا ما عدش عندى غير كرسين
الفلاح : " داخلا " إطلع يا واد " يجذبه " كرسين
.. يعنى مش هنركب ولا آيه ! مد يا
واد بسرعة
الشيخ : " داخلا " وهل هذا معقول ؟ .. أبعد
هذا الانتظار لا أركب .. لا بالطبع ..
ليس من العدل هذا
فتحى : هتركبوا يا جماعة ؛ بس واحد فيكوا
هينزل ويستنى مع مجموعة تانية ..
يعنى فى الرحلة إالى جاية إنشاء الله
الكابتن : بالتأكيد فيه غلط .. المفروض أنهم

عشرة .. سمية قالت كده .. والكراسى
إلى هنا عشرة
الفلاح : حتى ولو كان فيه غلط .. مؤكد مش
إحنا .. أكيد الغلط فى مولانا
الشيخ : ولماذا لا يكون واحد منكما .. أهذا
الصبي يركب وأنا لا .. ؟
الكابتن : " للفلاح " الواد إالى معاك ده مش
مكتوب فى الكشف يا حاج
الفلاح : يعنى آيه .. أسيب الواد هنا لواحد ده ..
ده ملهوش غيرى فى الدنيا
الشيخ : إذن فلتنتظر معه
الفلاح : وليه ماتستأمن أنت
الشيخ : لا تجادلنى ولا ترهقنى يا عزيزى ..
فانى ساركب يعنى ساركب
الفلاح : طب والواد .. أموته .. مش معقول
طبعاً .. دانا رايح وقاصد خير يا
مولانا أرحم كبر سننى .. أنا راجل
كبير ولا يصحش كده .. الواد هو إالى
هتتكز عليه .. مقدرش أعيش لوحدى
الشيخ : وأنا أيضاً لا يرضينى أن أتعبك .. لكن
لولا : آيه يا كابتن .. مفيش حل للموضوع ده
الفلاح : احضرونا يا جماعة
الفلاحة : معاك يا خويا .. أنت تقعد الواد على
الكرسى معاك
الكابتن : ماينفعش يا ست
الفلاحة : ما تحبكهاش يا خويا .. الدنيا كلها كده

.. أقربها وأنا جاية مالبدا فى
الميكروباس .. الكرسى قاعد عليه
خمسة وده عيل .. يعنى مش نفر ولا
اتنين

عبد العاطى : خلاص .. يبقى تنزول تستنوى الرحلة
الجاية

الشيخ : ياخى فلتنقل خيرا

الكابتن : يا ست ماينفمش .. عداد الوزن
والانفار هيعطى إنذار ويسبب عطل فى
الفركوك .. فلو كنا فى الجو هنقع

الفلاح : " ساخرا " يا سلام عالتيكنولوجيا !!

الكابتن : ولو كنا فى البحر جهاز الضغط هو
إلى هيدى إنذار يقوم يسبب عطل
للفركوك ونغرق

الشرنوبى : طالما بيقول ما ينفمش .. يبقى واحد
منكم ينزل .. وأنا رايبى أنك أنت إالى
تنزل يا مولانا

المهندس : " للشرنوبى " يبقى أنت إالى تنزل ..
لأنه زيه زيك ..

الفلاح : ما تقول كلمة يا عم فتحى .. أنت
راجل طيب وبرضه تعرف تتصرف

فتحى : والله يعنى .. هو فيه حل بس .. بس
ده لو الكابتن وافق عليه ..

الكابتن : حل إيه ؟ قول

فتحى : أنت كنت قولتلى بأن فيه كرسى
احتياطى وأن عداد الضغط والوزن

بيتعدد مع استعماله
الكابتن : " متذكراً " فعلاً دنا ناسى الكرسي ده
خالص بس .. بس ..
الجميع : بس أيه ؟
الكابتن : بس ده كرسي الطوارئ .. مش ممكن
الشيخ : " جالساً " يا أخى ربنا يديك .. وهل
هناك ظرف طارئ أكثر من هذا
الدمنهورى : يالاً بقى يا كابتن .. ماتحبكهاش ..
اقفل بابك ودور الفركوك
الكابتن : أنا ممكن أوافق .. بس الكرسي
الاحتياطي ده له حساب واتفاق تانى
الشيخ : أعوز بالله
الدمنهورى : يا كابتن استعد أنت ومالكش دعوة
بالموضوع ده .. عم فتحي هيتصرف
معانا
فتحي : " لنفسه " والله مانا عارف هعمل أيه
ولا أيه " للكابتن " دور أنت يا كابتن
ربنا يسويها
(الكابتن يخرج مقعد من الأرض
يضعه بجوار الفلاح ليجلس عليه
الصبي)
الفلاح : حاسب رجلك يا واد لتقع .. إقعد ونبت
كويس فى الشنطة
(الكابتن يتحرك ويجلس على عجلة
القيادة .. ويبدأ فى تشغيل الفركوك)
فتحي : كل واحد يقعد مكانه يا جماعة .. إالى

عاوز يمشى يمسك فى المساكات
الموجودة دى .. أى حركة هنا بحساب
المهندس : كل حاجة بالحساب .. الركوب
بالحساب .. والقعاد بالحساب والكرسى
الاحتياطى بالحساب .. حتى الحركة
بالحساب
الشيخ : لم أرى فى حياتى إستغلال أبشع من
هذا
عبد العاطى : وهو فيه أیه من غير حساب .. يا بنى
الزمن ده زمن الحسابات
(نسمع صوت محركات الفركوك بين
الحين والآخر .. حيث نسمع أزيزها
دلالة على سير الفركوك)
فتحى : وده وقت الحساب " للشيخ " فلوسك يا
مولانا
الشيخ : تفضل أهى
فتحى : دى كل إلی معاك ؟
(يقوم بتفتيشه وكأنه يبحث عن
سلاح)
الشيخ : أعوز بالله ألم يعد هناك نقّة
لولا : أف .. الجو هنا مش لطيف
الدمنهورى : لو على يا هانم أنا كنت جيبك لسيادتك
جهاز تكييف .. " للكابتن " ما تشغل
التكييف يا ريس
الكابتن : التكييف مابنشغلوش غير للضرورة ..
وأنا لسه فى أول اليوم ، كمان تشغيله

هيكلفنا .. بطاريه وسولار وبنزين ..
بسبب الزيادة فى سرعة المحركات
والمراوح .. وانتوا بقى عارفين قد آيه
الأسعار بقت غالية

الدمنهورى : خلاص .. خلاص يا كابتن أنا غلطان
فتحى : " للشاب " فلوسك يا أستاذ .. ؟
الشاب : إتفضل
فتحى : الله .. طب ما أنت بتتكلم .. أمال
ساكت ليه ما الصبح
الشاب : أنت مش خدت الفلوس .. هتحقق معايا
ولاً آيه ؟
فتحى : لا وعلى آيه خليك ساكت أحسن .. هى
مش دى كل الفلوس إالى معاك ؟
الشاب : لو عاوز تفتشنى أنا مش ممانع
فتحى : لأ .. أنا مصدقك .. مصدقك
عبد العاطى : "الشرنوبى" ده طلع بيتكلم زينا .. أنا
كنت فاكراه أخرس ..
الشرنوبى : وأنا بقى ما خبيش عليك خايف قسوى
منه

الدمنهورى : سبجارة يا هانم
لولا : مرسى .. مفيش معاك غير السبجار
الدمنهورى : معايا كل حاجة .. السبجار .. والبليب
.. دانا معايا حتى السجاير اللف ..
كل إالى تطلبه موجود يا هانم
الكابتن : ممنوع التدخين .. لأن الدخان بيشكل
جمل إضافى على ..

الدمنهورى : خلاص يا كابتن خلاص .. مش همدخن
 " للولا " ولا يهملك .. أنا معايا بدائل
 للتدخين
 لولا : الحقيقة أنت لطيف خالص يا ..
 الدمنهورى : دمنهورى .. إسمى الدمنهورى بيه
 لولا : الحقيقة أنت كلك زوق يا دمنهورى بيه
 الدمنهورى : دمنهورى بس يا هانم .. بالنسبة لك أنا
 الدمنهورى .. وانت البيه
 لولا : " تضحك " متشكرة جداً
 الدمنهورى : على أيه دانت تؤمرى .. مش سيادتك
 برضه تبقى ..
 لولا : لولا
 الدمنهورى : لولا .. آه .. أنت لولا هانم .. إالى ..
 لولا : تمام .. أنا لولا
 الدمنهورى : يا محاسن الصدف .. أنا والله كان
 نفسى أتقابل معاك من زمان
 (يقف الفلاح ويراقب الحديث فى أخره)
 الفلاح : يا سلام .. إالى يعيش ياما
 فتحي : مكانك يا حاج .. ولا أقولك ما دام أنت
 وقفت ببقى فلوسك بالمره
 الفلاح : طيب حاضر .. ميعرض " يبحث فى
 جيبه " إتفضل
 فتحي : أيه دى .. دى تذكره قطر
 الفلاح : أيوه .. ما أنا عارف .. أصل
 الموضوع أنى قطعت تذكره من محطة
 القطر .. وبعد كده عرفت أنه ما

بيروحش المدينة الجديدة ولا رضيوش
ياخدوها ويجيبوا الفلوس تانى
فتحى : طب واحنا مالنا يا حاج ؟
الفلاح : إهى .. هو مش انتوا حكومة مع
فتحى : لا يا حاج .. دى حاجة ودى حاجة
الفلاح : طب والمطلوب أيه دلوقت ؟
فتحى : تجيب الفلوس إالى معاك كلها ..
الفلاح : أمرى لله .. أجيبك الفلوس مالشنطة
" يبحث عن الشنطة " .. يا خير أسود
.. الشنطة .. الشنطة فين يا واد "
يبحث " استتى يا ريس .. قوله يا عم
فتحى يستتى
الكابتن : خبر أيه يا حاج ؟
الفلاح : الشنطة الواد نساها هناك .. إرجع
والنبي يارب يخليك
الشرنوبى : يرجع إزاي يا حاج .. إحنا مشينا
خلاص
الفلاح : اسكت أنت يا راجل .. داحنا لسه ما
طيرناش فى الجو
الكابتن : وبعدين بقى ..
الفلاح : إلهى ربنا يدبك الصحة ولا ياخدهلش
منك تانى .. " للصبي " ومن ساعتها
وأنت ساكت طب قول حاجة ..
" للكابتن " معلش يا ريس الشنطة دى
فيها كل الأوراق والفلوس إالى معانا
الكابتن : وهو أنت يعنى مش عارف بان ...

فتحي : خلاص يا كابتن .. لو كان ممكن تنزله
يجيبها نزله
الفلاح : ربنا ما يرميك في ضيقة يا ريس ..
واحنا برضه لازم نعدر
الكابتن : " أمرى لله .. ما هو أنا لازم أرجع تانى
.. عشان الفلوس إللى فى الشنطة
الدمنهورى : ما تقلقش يا هانم .. طب والله يا ستى
أنا كان نفسى أتقابل معك .. داخنا
ممكن نعمل بزنس .. خصوصاً فى
البلد إللى إحنا رايعنها دى
لولا : والله يا دمنهورى .. واحد زيك فى
اللطف ده مش ممكن أختلف معاه
عبد العاطى : إحنا يا شرنوبى بيه سكتنا واحدة
الشرنوبى : مهما أتصرفنا .. بنرجع تانى ونتقابل
عبد العاطى : يبقى مفروض نعمل تنسيق مع بعض
بخصوص الصفقات
الشرنوبى : بالتأكيد أنا موافق على كلامك ..
ومستعد من دلوقت يعنى موضوع ذى
شركة الاحتكار للفركوك الفنتازى ده
أنا مستعد أكون الشريك الثالث لكم أنت
والكابتن
فتحي : " لعبد العاطى " فلوسك يا أستاذ
(يتحرك الشاب صارخاً فيهم ومتجهاً
ناحية التابلون ليأخذ منه مسدس)
الشباب : صفقات .. فلوس .. فلوس كفايا .. أنتو
عاوزين آيه ؟

عبد العاطى : الله الله ده باين عليه مجنون
الشرنوبى : أنا ماكنتش مطمئن مالأول
الكابتن : الله الله .. سيب المسدس يا بنى
الشاب : محدش يتحرك
الفلاح : فيه آيه يا بنى ؟
لولا : لا يا رفيق .. أنت هتعمل آيه ؟
الشاب : أسكتنى يا ست انتى
الفلاح : قال يا قاعدين يكفيكوا .. هو فيه آيه ؟
الشاب : بقول محدش منكم يتحرك
فتحي : طب بس إهدى يا بنى وقول آيه إल्ली
جى ؟ إذا كان ..
الشاب : " مقاطعاً " كلمة ثانية أو أى حركة ..
أنا هاضرب " يهدد بالمسدس "
الشيخ : يا ساتر .. يا ساتر
لولا : اعقل يا رفيق .. بلاش تنهز لو
مضائق من حاجة ننزل هنا يا حبيبى
الشاب : أسكتنى ياست انت .. أنا ماعرفكش ..
سكتوها .. لو أنكلمت أنا هاخلص
عليها
الدمنهورى : فيه آيه يا لولا هانم .. أمسكى نفسك ..
رفيق آيه بس .. الوقت نعرف ده عايز
آيه ؟
الشاب : كله يقف .. قوم " للكابتن " ارجع ورى
الكابتن : ليه بس يابنى .. مانا قاعد مش هاعمل
حاجة .. شوف إल्ली انت عايزه آيه ؟
الشاب : الأبواب كلها بتتفتح مالتابلون إल्ली

قدامك ده ؟

الكابتن : أيوه يابنى

الشاب : والمفاتيح بتعتها فين ؟

الكابتن : أهى .. أهى يابنى

الشاب : قف " يقف " وقف الفركوك بتاعك ده

" ينفذ " ارجع فى الآخر

(يلاحظ توقف الفركوك وصوت

المحركات)

الفلاح : طب ننزل إحنا يا حبيبى .. ندور

عالشنطة أنا والواد

الشاب : استنى عندك .. متحركش .. ولا تتكلم

الفلاح : ده ده وإحنا فى مدرسة .. يا بنى

الشنطة

الشاب : قلت مش عايز كلام " رصاصة فى

الهواء " أى حركة أنا هاضرب ..

ماعدتش هاهدد .. كله يرجع ويقف فى

الآخر

(الكل يتجمع فى المؤخرة يسار المسرح)

الفلاح : والشنطة يابنى ؟

الشاب : قلت كلكم

الفلاح : طيب حاضر .. حاضر .. ربنا يهديك

لولا : يا رفيق إسمعنى .. يا حبيبى لو بس فيه

الشاب : " صارخا فيها " قولتلك أنا مش رفيق

.. دى آخر مرة أحذرك

الفلاحة : دول باين بيعرفوا بعض، طب وإحنا

ذنبننا أيه ؟!

الشرنوبى : خير يا أستاذ .. طلباتك أيه ؟
 الشاب : ولا كلمة .. كل واحد يجاوبنى
 الشرنوبى : تحت أمرك يا بى
 الشاب : قبل ما اتكلم معاكم ؛ عايزكم تجاوبونى
 من غير ما تكونوا خايفين
 الفلاح : هو .. وهو هيجينا الخوف منين ؟
 الفلاحة : د دا دا دا إحنا ميتين مالخوف
 الشاب : أنا مش هاذى حد غير إللى هيجاول
 يعمل أى حركة
 الفلاح : ده كلام جميل .. أنا ها قعد عالارض
 أهه عشان تطمن من نحييتى .. أقعد
 جنبى يا واد
 الدمنهورى : طلباتك أيه ؟
 الشاب : مليش طلبات .. أنا هادرده معاكم
 شويه
 عبد العاطى : معقول !
 الدمنهورى : درشة بس ؟
 الشرنوبى : ده باين عليه مجنون رسمى .. أتفضل
 .. أسأل يابنى
 الشاب : أنت " يشير إلى المهندس "
 المهندس : أنا ؟ !
 الشاب : بتشتغل أيه ؟
 المهندس : مهندس
 الشاب : مهندس فين ؟
 المهندس : تبع نفسى
 الشاب : يعنى فاتح مكتب هندسى ؟

المهندس : لا
الشباب : ليه ؟
فتحي : ظروفه ما تسمحولوش ! ..
الشباب : اسكت أنت .. قول ليه .. ؟
المهندس : عندك مكان ؟
الشباب : هه .. " متجوزاً سؤاله " متجوز ؟
المهندس : لا
الشباب : خاطب ؟
المهندس : لسه
الشباب : ليه ؟
المهندس : منين ؟
الشباب : وأنت " مشيراً إلى الشرنوبى "
الشرنوبى : مين .. " ينظر حوله " أنا .. أنا مدير
الشباب : مدير أيه ؟
الشرنوبى : مدير شركة مقاولات
الشباب : وأنت ؟ " مشيراً إلى الفلاحة "
الفلاحة : أنا يا خويا ؟ .. آه " تعدل نفسها "
مدير شركة مقاولات !
الشباب : أنت هتتكلمى عدل .. ولا أعدك
الفلاحة : ده ده .. ما تعدل نفسك أنت الأول ..
أنا شكلى كده باشتغل أيه ؟
الشباب : فلاحة ؟
الفلاحة : أيوه فلاحة .. مالها الفلاحة ؟
الشباب : عندك طين ؟ أو أى أملاك ؟
الفلاحة : والنبي سيبنا فى حالنا .. عندنا الستر
أنت عايز أيه ؟

الشباب : أنا إلى أسأل .. " للشرنوبى " قولتلى
بقى سيادتك مدير شركة مقاولات
الشرنوبى ..
الشرنوبى : أنا تحت أمرك فى أى طلبات
الشباب : " ساخراً " أهلاً .. أهلاً وسهلاً !
الشرنوبى : أهلاً بيبك .. أنا مستعد ..
الشباب : " مقاطعاً فى حدة " تعالى ..
الشرنوبى : نعم يا أفندم .. أنا ؟!
الشباب : " فى عصبية " قللك تعالى ..
" يتحرك الشرنوبى " أقعد
الشرنوبى : الله يكرمك .. أنا هاعمل لك ..
الشباب : " صارخاً فيه " أقعد هنا .. تانى كرسى
(يتحرك الشرنوبى ويجلس حيث أشار إليه)
" للمهندس " ما اشتغلتش فى مكتب ليه؟
الفلاح : الشنطة أنا خاف حد يلاقىها ..
أوالعيال يلعبوا بيها ويفتحوها
الشباب : اسكت يا راجل .. عيال أيه فى
الصحرا دى !.. لؤم الفلاحين ده مش
عاوزه
الفلاح : حاضر .. حاضر هاسكت .. علعموم
أنا محزمتها كويس
الشباب : " للمهندس " جاب
المهندس : أنا مقدرش أشغل عند أى حد
الشباب : ليه ؟
المهندس : لأنى غير ناس كتير .. مش ممكن
اشتغل أى شغل

الشباب : مش فاهم !
المهندس : أنا عندي مبادئ .. وأفكار .. ومشاريع ..
.. علشان أشتغل فى أى مكتب لازم
أخالف مبادئى .. أتنازل عن أفكارى ..
أعطيها أجازة .. وأنا مش ممكن
أعطيها أجازة .. لأنى لازم أحققها
الشباب : وأيه إالى موديك المدينة الجديدة ؟
المهندس : المدينة الحلم ؟! أنا لغاية دلوقت مش
مصدق .. إلا لما أشوفها بعينى
الشباب : وأيه إالى مخليك مش مصدق ؟
المهندس : لو فعلا موجودة .. أبقي مش عايز
حاجة مالدنيا أكثر من كده .. أعيش فى
وسط ناس معندهاش أطماع .. ناس
بسيطة وطيبة وضميرها حى
الشباب : الناس دى موجودة فعلا " ناظراً إالى
الشرنوبى " أهلا وسهلا بالسيد البسيط
مدير شركة المقاولات " بأسلوب
مسرحى " تصفيق حاد
الفلاح : ده بيئه اتجنن ؟
لولا : وتول ذنبهم أيه بس يا رفيق .. دول
ناس فى حالهم ومالهمش دعوة بحاجة
الفلاحة : قوليله والنبي يابنتى
الشباب : " للفلاحة " مقولتليش ؛ أيه إالى موديك
المدينة الجديدة ؟
الفلاحة : أنا يا خويا ؟!
الشباب : أيوه أنت

الفلاحة : ماعدتش قادرة أعيش فى البلد..
معدليش مكان هناك كل حاجة أتغيرت
.. كل حاجة فى البلد اتغيرت حتى
الناس إالى فيها اتغيروا.. اتغيروا من
جواهم .. وأنا ماقدرش أعيش لوحدى

الشباب : متجوزة ؟

الفلاحة : وطفشانه منه .. تاعبنى فى حياتى ..
راح يتجوز على عشان ما بخلفش ..
أنا مش زعلانة عشان أتجوز .. لأ ..
من حفه .. بس برضه أنا إنسانة عايزة
أعيش مرتاحة فى وسط ناس يفهمونى
وأفهمهم

الشباب : وراحة للى يفهموك ؟

الفلاحة : راحه أعيش وسط ناس أفهمهم من غير
ما تعب ، راحة أعيش بعيد عن
المشاكل ، أنا لغاية دلوقت مش مصدقة
أنى ممكن أعيش وسط ناس بسيطة
وطيبه ! يا ترى هلاقى المدينة الجديدة
دى ؟! أنا ركبت معاكم وأنا مش
مصدقة أنى هاروح وألقاها

الشباب : وعندك أمل أنك تلاقىها ؟

الفلاحة : لازم .. لازم تكون البلد دى موجودة
.. لو ملقتهاش مش راجعه البلد تانى
.. هاموت نفسى .. أنا مش ممكن
أعيش فى العالم ده؟ !

الشباب : " للدمنهورى " وأنت بتشغل آيه ؟

الدمنهورى : أنا ؟!
الفلاح : يابنى الشنطة .. طب الولد ينزل يدور
عليها
الشباب : قولتك اسكت
الفلاح : سكتنا . لوضاعت الشنطة .. ذنبى فى
رقبتك
الدمنهورى : أنا تاجر
الشباب : تاجر أيه ؟! تاجر مخدرات ؟ مهو
برضه تاجر !
الدمنهورى : لأ .. لاسمح الله يابنى .. أنا راجل
عارف ربنا كويس .. أنا تاجر موبليات
.. شوف يابنى أنا ممكن ..
الشباب : " مقاطعاً " أهلا بالفرصة الكبيرة ..
ثلاث حجرات بـ ٩٩٩ جنيه شعبي ،
١٩٩٩ استيل مودرن ، ٢٩٩٩ جنيه
من الخشب الزان الطبيعى ، أهلا يا بيه
أفضل .. أقعد ورا الشرنوبى بيه
الدمنهورى : أهلا بيبك يابنى .. أيوه كده .. أعقل
ربنا يخليك " يجلس "
لولا : أستاذ دمنهورى " لا يلتفت إليها "
الشباب : عايزاه ليه ؟ انت معاه ؟
لولا : أنت ناسينى يا رفيق بجد ولا أيه .. أنا
معاك أنت
الشباب : قولتك أنا معرفكش .. ردى على
سؤالى .. أنتى معاه ؟
لولا : أيوه .. لأه .. أنا

الشباب : " للدمنهورى " الست دى معاك ؟
الدمنهورى : دى دى لولا .. صاحبة ملهى لولا
السياحى .. لولا أنت مش عارفها ولا
ايه .. دى أشهر من نار على علم
الشيخ : أستغفر الله .. أستغفر الله
لولا : رفيق يا حبيبى .. اسمعنى كويس .. ما
فيش داعى أنك تورط نفسك أكثر من
كده .. ننزل إحنا وبعدين ..
الشباب : " بحدده " بأقولك إنتى تخرسى خالص
" بلطف " تشرفنا يا هانم .. إتفضلى
أقعدى
(تتحرك وتجلس بجانب الدمنهورى)
لا مش جانيه .. إتفضلى هنا .. أقعدى قدام
(تهندم نفسها وتجلس على مقعد أمامى)
وأنت يا عمده ؟
الفلاح : الله يحفظ مقامك .. أنزل أجيب
الشنطة ، واهه الواد عندك أسأله زى
ما أنت عايز
الشباب : استنى عندك .. رايح فين ؟
الفلاح : طب الواد إالى ينزل واقعد أنا ..
الشباب : أنت رايح المدينة الجديدة ليه ؟
الفلاح : ومين يابنى مايروحش المدينة الجديدة
دى ؟ دى الناس فى كل حنة عاوزة
تروحها
الشباب : عشان كل حاجة فيها ببلاش ؟!
الفلاح : لا يابنى .. مش عشان كده .. الدنيا

بتاعتنا بقت وحشة .. ولا أنت
مبتقراش جرايد ولا آيه .. مين عاد
يأمن على نفسه .. الناس بقت بتاكل
نفسها !!

الشباب : مالكنش ولاد تعيش معاهم ؟

الفلاح : أنا يابني راجل كبير .. كتبتلهم كل
حاجة .. ويا ريت حد منهم سائل فيي
.. ده حتى البيت إल्ली أنا قاعد فيه ..
بيتخانقوا عليه عشان يبيعوه .. خفت
على نفسي .. قلت آجي أعيش فى البلد
الجديدة قبل ما يفكروا يحجروا على أو
يودونى دار مسنين .

الشباب : وناوى تشتغل فى البلد ولا رايح عاله ؟

الفلاح : اخرس .. أنا عمرى ما كنت عاله ولا
فكرت انى أكون عاله على حد .. أنا
أعرف اشتغل فى أى حاجة ، ولا
عشان ما أنا راجل كبير .. أنا جيت
الواد معايا عشان كده .. جبته يساعدى
وأعكز عليه

الشباب : إल्ली بتقول عليه صغير عشان
متدفلوش فلوس ؟

الفلاح : ده ده أنت هتقلى عالوحدة .. يا بنى
خلى عندك مرونة وإल्ली تكسبه إلبه ..
أنا مش مصدق حكاية البلد دى عشان
كده مش ضامن الظروف ، وكنت
عايز أحجز فلوس معايا بدال ما ياخذها

كلها .. صدقنى يا بنى أنا راجل كبير
ومش هاكذب عليك .

الشاب : " للشابة " وانت يا موزموزيل ؟
الشابة : أنا آيه ؟
الشاب : بنتشغلى فى آيه ؟
الشابة : محامية
الشاب : أهلاً ليسانس الحقوق المبجل
الشابة : أرجوك ؛ بلاش أسلوب التهكم بتاعك ده
الشاب : والوالد بيشغل آيه ؟
الشابة : مدير تحرير جريدة التحرير
الدمنهورى : بنت الصنبورى بيه .. ما شاء الله
الشاب : الرجل الحر .. بتاع الحرية
الشابة : يا أستاذ تحفظ ..
الشاب : " مقاطعاً " تعالى .. إتفضللى أقعدى هنا
الشابة : لازم تعرف ان إللى بتعمله ده غلط ..
والقانون
الشاب : " مقاطعاً " بأقولك آيه .. أقعدى من
غير كلام
الفلاحة : خشى أقعدى ياختى ومتكتريش ..
متطلعيش ررابينه علينا ده باين عليه
خُلقه ضيق
(تتحرك للجلوس فى المقعد الخامس)
الفلاح : طب بلاش الشنطة .. حد يروّح الواد
وأنا حسستى
الشاب : " للشيخ " وانت يا مولانا .. ؟
الشيخ : أنا يا أخى موظف فى مصلحة الشيوخ

الشاب : يا مرحب .. أنت رجل البلد
الشيخ : أرجو ألا تكون فاهمنى خطأ .. فأنا
الشاب : محرر النساء .. ومُذل الرجال
الشيخ : أستغفر الله يا أخى .. لا تكون سبيئ
الظن بى
الشاب : اتفضل اقعد معاهم
الشيخ : أنت ثائر الآن .. وأنا لا أطيق النقاش
معك وأنت هكذا

" يجلس بالمقعد الخلفى "

الشاب : وسياذك ؟
عبد العاطى : أنا .. ؟
الشاب : وهو فيه حد غيرك لسه مسالتوش ؟
عبد العاطى : أنا مسئول بمصلحة الاقتصاد الوطنى
الشاب : " منحنياً له " تفضل مولائى .. أجلس
هنا .. (يشير إلى جوار الشرنوبى)
عبد العاطى : لكن يا أفندم أنا عايز أتكلم معاك
الشاب : أنت رجل وطنى ما يصحش أشيل
التكلفة إلى بينى وبينك بالبساطة دى
لمجرد انى شايلى مسدس .. أتفضل
اقعد على ما أشوف سكرتيرة خاصة
تتوسطلى عندك .. اقعد
" يجلس عبد العاطى حيث أشار إليه "
كلكم ناس طيبين وبساط منتهى البساطة
.. النوايا الحسنة واضحة فى عنيككم ..
كلكم راحين !!
عبد العاطى : ممكن نرجع لو عايز .. ؟ !

الشباب : أسكت
المهندس : واحنا هانفضل واقفين كده ؟
الشباب : انتوا هتتزلوا هنا
المهندس : فين ؟ !
الشباب : فى الحتة دى
الفلاحة : داحنا يابنى فى صحرا .. ولو نزلنا
نموت هنا
الشباب : هتتزلوا هنا لانكم لازم توصلوا المدينة
الجديدة .. الناس إالى هناك مستنياكم ..
إنما دول " يشير إالى الجالسين " .. أنا
لسه لى كلام معاهم .
الفلاحة : بس يابنى داحنا فى صحرا !
الفلاح : أسكتى " هامساً " .. ننزل نلحق
الشنطة أول وننفذ بجلدنا وبعدين يحلها
ألف حلال
الشباب : هتتزلوا هنا .. إحنا مبقلناش نص ساعة
ماشين يعنى ممكن ترجعوا المسافة
إلى قطعناها حتى ولو أخذتوها مشى
فى عشر ساعات ، " منادياً " يا ريس
على
الكابتن : خدامك يابنى
الشباب : إحنا بعيد عن البلد إالى جينا منها ؟
الكابتن : لأ يا بنى قريبين .. والمدينة الجديدة
بتبعث عربيات فى المكان ده تأخذ
الناس إالى عندها رغبة تروح عندهم
الشباب : يعنى الطريق قدامكم سهل وممكن

ترجعوا لو عايزين .. وممكن توصلوا
المدينة الجديدة لو رغبتكم أكيدة .
الفلاحة : بس يابنى الطريق ..
الشاب : مش عايز كلام .. طمنهم يا باشمهندس
.. قول لهم .. أنك تعرف تتصرف
وتوصلهم .. مؤكد أنك أخذت بالك من
الطريق وتعرف ترجع بس يا ريت
تعرفوا تروحوا البلد الجديدة .. أنا
هافتح الباب الوراني وتنزلوا بسرعة .
مع السلامة ..
.. أمّا انتم " للجالسين " ربنا يقدرنى
عليكم

— ستار —

المشهد الثانى

المنظر : (نفس المنظر السابق)
(الكابتن يقود الفركوك .. صوت صفارة إنذار .. نسمع صوت دورن المحرك .. الشاب فى موقع يكشف منه جميع الموجودين)
الكابتن : يا ابنى تعبتنى .. بقالى ساعة ماشى والمشى ده كله خطر على الفركوك ، والمفروض انه يمشى شوية ويطير شوية
الشيخ : يا أخى بارك الله فىك قل لنا ماذا تريد منا ولا ترهقنا أكثر من ذلك
الكابتن : يا ابنى فى عرضك الفركوك مش متعود على كده .. أنت مش سامع الإنذار .. المشى ده يخللى الفركوك ينفجر
الشاب : أركن هنا
الكابتن : أوقف الفركوك ، أخيراً .. أشهد ألا إله إلا الله .. أيوه كده يا ابنى .. ربنا يهديك
الدمنهورى : أعقل يا ابنى .. العقل زينة .. شوف طلباتك أيه واحنا
الشاب : أنا ماعنديش استعداد أسمع كلام من حد
فتحى : طب وأخرتها ؟
الشاب : مافيش .. هاتعرف عليكم
الجميع : تانى !!

الشباب : تانى وثالت .. عندكوا مانع؟ " يهدد "

الشرنوبى : بس يا ابنى انت عرفتتا كويس .. عايز تعرف أيه تانى ؟

الشباب : إللى زيكم مايتعرفوش بالسهولة دى .. ولا أيه يا أستاذ عبد العاطى ؟

عبد العاطى : " مرتبكاً " أنا .. إللى تشوفه حضرتك

الشباب : أنت أيه رأيك فى المدينة الجديدة ؟

عبد العاطى : فكرة عظيمة .. بس إللى مستغرب له ؛ دى اتعملت إمتى وأزاي من غيرحد ماياخد باله !

الشباب : وده يضرك فى أيه ؟

عبد العاطى : ده يخلى الأمر محتاج بحث ودراسة

الشباب : وانت بقى رايح عشان تعمل الدراسة .

عبد العاطى : لا .. أنا قطعت مشوار كبير فى الدراسة دى .. المدينة دى فيها خيرات وحاجات كتيرة .. أنا بافكر أعمل صفقة استبدال جزء من الحاجات الزيادة هناك .. ونعطيهم جزء من الحاجات الناقصة عندهم

الشباب : أنت إنسان خطير .. أنا ظلمتك يا عبد العاطى بيه

عبد العاطى : " متحمساً " مش على قد كده وبس يا ابنى ده أنا عندى مشاريع كتيرة .. مشروع أمن غذائي .. مشروع كساء .. مشروع ..

الشباب : ويا ترى عرفت أكثر صنف هناك ؟

عبد العاطى : طبعاً .. الفجل .. أكثر حاجة هناك
الفجل .. عشان كده إحنا هنستورد من
عندهم الفجل .. وهنحاول نعطيهم
أصناف خضار نقصاهم .. تخيلوا يا
جماعة .. تخيلوا أن المدينة دى
مفيهاش كوسه .. ولا قرع .. ولا
فقوس .. ولا خيار .. ولا بزنجان
(يلاحظ أنه قد وقف وتحرك بحرية)
الشرنوبى : معقول يا أستاذ عبد العاطى !! معقول
فيه مجتمع يقدر يعيش من غير كوسه!
عبد العاطى : والله دى الحقيقة يا شرنوبى بيه .. دول
ناس متخلفين خالص ..
الشباب : وانت طبعاً رايح عشان تخلصهم
ما لتخلف ده
عبد العاطى : شفت إزاي .. أهو سيادتك فهمتى
صح دلوقت ، أنا رايح عشان أساعدهم
.. أنا هافيد الناس دى ..
الشباب : بقى كده ؟؟
عبد العاطى : والله دى الحقيقة .. ولا أيه يا شونوبى
بييه ؟
الشرنوبى : " يقف ويتحرك " الأستاذ بدأ يفهمنا
كويس .. بس إحنا لسه متعرفناش
بالأستاذ
الشباب : مالکش دعوة .. إرجعوا اقعدوا مكانكم
الشرنوبى : حاضر .. حاضر بس هدى نفسك
لولا : سيبهولى .. أنا إالى هاقدر أتفاهم معاه

الشباب : أوعى تقولى رفيق ل احسن واللهم
لولا : "مقاطعة" بلاش رفيق.. أنت اسمك إيه ؟
"محاولة الاقتراب منه "
الشباب : خليك مكانك ومالكيش دعوة باسمى ..
عايزه تقولى إيه ؟
لولا : أنت عمرك ما كنت بالشكل ده ..
الشباب : ياست أنا ما اعرفكش .. ليه مُصره
أنك تعرفينى !
لولا : طيب خلاص .. ماعرفكش .. لكن أنت
شكلك كده إنسان كويس .. بصراحة
مش لايق عليك التكشير ده .. فكها
بقى يا .. يا .. بس لو تقول اسمك ؟
الشباب : قولتلك ملكيش دعوة بى .. وقولى إالى
أنت عايزاه
لولا : بس لو تضحك .. أنا هافهمك بسرعة
.. صدقنى بس خد وادى معايا فى
الكلام .
الشباب : جابى على ومتسألنيش
لولا : تحت أمرك .. أوامر .. أطلب أي
حاجة .. أنا مستعدة
الشباب : انت رايحة المدينة الجديدة ؟
لولا : بعد إذنك ده لو مكانش عندك مانع ..
بس إذا كنت عاوزنى ماروحش أرجع
معاك .. أنا مستعدة للى تقولى عليه
الشباب : ليه ؟
لولا : ليه إيه ؟

الشباب : كنت رايحة ليه ؟
لولا : أنا كنت رايحة .. كنت رايحة " تتقدم
إليه " أقول الحقيقة ولا تزعش .. أنا
كنت جاية معاك عشان أصلحك
" تقترب منه "
الشباب : إرجعى مكانك .. إقعدى " تجلس " إنت
لسه مجاش دورك " متوعدا "
الشيخ : لقد أحسنت يا أخى
الشباب : يا سلام .. أنت .. أنت سبب البلبلة !
الشيخ : أنا .. لا يا أخى إذا كنت ستتحدث معى
وأنت ناثر فلن أجيبك
الشباب : ليه ؟ مش انت بتاع كل حاجة ماشيه ..
مش انت بتاع الحقوق .. مش انت
الشيخ : يا أخى لا تفهمنى خطأ .. إن كلامك
هذا يجرحنى
الشباب : كنت رايح ليه ؟
الشيخ : لا يا أخى .. لست كما أنت متصور ..
لقد علمت أن هناك صفاء .. وأنا أبحت
عن الصفاء .. وعلمت أن هناك النوايا
حسنة وأنا لا أطيق أن أعيش إلا فى
جو كله خير
الشباب : يعنى مش رايح تقعد على مكتب ..
تدرس وتساعد فى ترويج كل ما هو
مطالب بترويجه .. وتقتنع الناس
بمنطقك وبكل ..
الشيخ : لا ؛ بالله يا أخى .. أنا لم أكن سلمة

كما أنت متخيل .. فأنا لذلك راحل عن
هذه البلد وذاهب إلى تلك المدينة
الجديدة التي علمت أنها غير ملوثة بأى
أفكار سيئة .

الشباب : وعازرنى أصدق إنك مش رايح تتقل ..

الشيخ : صدقنى يا أخى .. صدق ما هو تحت

هذه العمة .. فأنا لو كنت كما تظن لا

ستمررت كما أنا فى البلد بما لى من

خوافز وما إلى ذلك من خيرات

الشباب : أنا عازر أصدقك .. لكن مش قادر

الشيخ : صدقنى .. هذه هى الحقيقة .. أنا لا

أخشى أن أموت على يدك أو على يد

غيرك .. لكنى أخشى الله وأخشى أن

يفهمنى البعض خطأ .. أنا ذاهب إلى

هذه المدينة الجديدة الجميلة حيث كل

شء بسيط وجميل .. حيث لا تميز

ولا تفرقة

الشباب : بين الرجل والمرأة ؟!

الشيخ : لا تفرقة بين أى فرد وفرد .. لا حوافز

مميزة .. ولا مكافآت .. لا ثغرات ..

حيث النوايا الحسنة وحسب البعض

لللبعض كيف تستكثر على أن أذهب إلى

هذه المدينة الجديدة .. من ذا الذى يعلم

عنها ولا يذهب إليها .. متوافر فيها كل

شء .. عليك أن تعمل فى أى شء

تستريح إليه .. لن يطالبك أحد بأن

تعمل .. لكنك .. تعمل بإرادتك لأنك
ترغب في العمل
الشباب : " للشابة " وأنت .. راحة ليه ؟
لولا : أنا يا رفيق
الشيخ : أستغفر الله
الشباب : لا .. قولتلك أنت وقتك لسه ماجاش
" متواعدا "

الشابة : عايز منى أيه ؟
الشباب : انت مش ناوية تتكلمى ولا أيه ؟
الشابة : انت إالى موقفنا طابور .. وأنا مستتية
دورى
الشباب : وانت مالك ومال الطوابير .. السيد
الوالد يقدر يجيبك أى حاجة
الشابة : أنا مش هرد عليك .. لأنى متفقة معاك
فى إالى بتقوله .. مش مختلفة .. لأنى
بدأت أفهمك .

الشباب : كنت راحة ليه ؟
الشابة : فين ؟
الشباب : المدينة الجديدة
الشابة : هتصدقنى ؟
الشباب : أمّا أسمعك
الشابة : أنا عابزة مكان جديد أعيش فيه
الشباب : ليه ؟
الشابة : مش مقتنعة باللى أنا فيه
الشباب : طمع ..
الشابة : لا .. أنا راحة أشتغل بإيديه .. مش

عايزه أكثر مالى الناس عايزاه .. مش
عايزه أكثر من الحق الطبيعى لآى
إنسان

الشباب : تشتغلى .. " بضحك " انت يا حلوة

قدامك فرص العمل كتيرة .. ده لو
كنتى فى حاجة للشغل .. بإشارة واحدة
من أيد السيد الوالد بعينك فى أى مكان

الشباب : عشان كده رايحة المدينة الجديدة ..

عشان عايزه أعتد على نفسى مش
عايزه مساعدة من حد .. لأنى مش
طمعانه فى حاجة أكثر من انى أعيش

سعيدة .. بعيدة عن المشاكل .. بعيدة

عن الجو إالى مليون بالحوادث .. بعيدة

عن الشك .. كل شىء بقى فيه شك ..

أنا معدتش لاقية قدامى حد أصدقاه ..

مش لاقية حاجة ألق فيها كل حاجة

مزيفه .. معدتش عارفة أنا مين

الشباب : انت بلعبة صغيرة فى أى ثغرة من

ثغرات القربة المخرومة تقدرى

توصلى للى تعوزيه ولأ رأيك آيه يا

سيادة المحامية ؟ !

الشباب : وعشان كده أنا مش ناوية أقعد هنا

وراحة هناك .. لأنى رافضة أبرأ

المتهم وأظلم المظلوم .. رافضة أشقى

ناس على حساب ناس ، دى الحقيقة

إلى عايزاك تعرفها .. مش عشان

أنجى بنفسى .. لا .. ، لأنى حسه بيك
 .. وبدأت أفهمك .. أنا
 الشاب : عايز أصدقك .
 الشابة : لازم تصدقنى .. أنت إنسان كويس ..
 جواك إنسان طيب .. وواضح ان
 عندك مبادئ ومش من طبعك الاجرام
 الشاب : أنا مطلبتش منك تحليل نفسى
 الشابة : أنا دلوقت أقدر أكّد أن أيدك دى مش
 ممكن تقتل " تتحرك "
 الشاب : ماتحوليش تأثرى على .. أى محاولة
 للتقريب هاضرب ..
 (تقترب منه .. يضغط عالزناد ..
 تخرج الطلقة منه فى اتجاه لولا لولا التى
 تصرخ وتسقط .. حالة ذهول للجميع ..
 ينظرون إلى لولا .. تبدأ فى الحركة
 بعد لحظة صمت)
 لولا : أه .. أه ..
 (يتحرك الدمنهورى ويجلسها)
 الدمنهورى : أنت سليمة يا لولا ؟
 لولا : الرصاصة عدت من ودى دى
 وخرجت مالتانية
 الدمنهورى : لا .. ده بس بيتهالك
 لولا : .. أنا خلاص ماعدش فى أعصاب ..
 أنا مش هاقدر أستحمل الجو ده .. مش
 ممكن أستمر كده ؟ !
 الدمنهورى : الحمد لله جت سليمة ، ماصبهاش حاجة

الشباب : ماحدش يقرب لها .. " للدمنهورى "

الدمنهورى : إرجع مكانك هى هتقف لواحدنا

الشباب : طب بس أسندها لما تقف

الدمنهورى : ماتقربلهاش وخليك مكانك .. قومى

يا ختى .. قومى

لولا : مش قايمه .. اقتلنى وخلصنى .. أنت

عايز أيه بالطبط ؟

الدمنهورى : تعالى يا لولا .. ألقى .. ميصحش كده

.. أمسكى أعصابك .. إن شاء الله ربنا

هيفتكرنا ويخلصنا مالأزمة دى

الشباب : " للدمنهورى " تعالى .. أنت .. الدور

عليك يا بتاع التقسيط المريح

الدمنهورى : أنا .. أنا يا ابنى فى حالى .. وواقف

ساكت

الشباب : رايح المدينة ليه ؟

الدمنهورى : كنت رايح أزور ناس هناك وراجع

الشباب : رايح تشتريها كلها علشان تعمل عندهم

أزمة

الدمنهورى : هى مين دى يابنى ؟

الشباب : الموبيليا

الدمنهورى : لا يا ابنى .. دانا رايح أنقعوهم

الشباب : همّه مش محتاجين إالى ينقعوهم

الدمنهورى : خلاص طالما همه مش محتاجين إالى

ينفعهم كويس أنك قتلنى ، كنت هاروح

وأرجع عالقاضى .. أنزل أنا وأرجع

..ما خلاص بقى ملهاش لازمة انسى

أروح هناك
الشباب : الأثاث هناك بيكفى الناس إالى فى البلد
.. بيتعمل لهم .. مش محتاجين إالى
ياخد منهم
الدمنهورى : بس ده ياابنى غلط و لازم حد ينبههم
.. آه .. لازم يبيعوها عشان يجيبوا
بالفلوس خامتهم
الشباب : همّه مش محتاجين خامات .. الخامات
إالى عندهم مكفيه احتياجاتهم .. البلد
الجديدة مش محتاجة مساعدات خارجية
فيها اكتفاء ذاتى
عبد العاطى : أنا عندى إستعداد اتعاقد لهم على صفقة
أخشاب أستوردها وأمونهم بيها وأخد
الموبيليا إالى يصنعوها .. أخد موبيليا
وأديهم خامات .. بلاش الفلوس
الشباب : آه .. ما انت أى حاجة تشم ريحتها
تجرى عليها
عبد العاطى : أنا قصدى أخدم البلد
الشرنوبى : يا ابنى إحنا راحين ..
الشباب : ليه ؟ أنت بالذات رايح ليه ..
متأخذنيش .. أنا باكلمك من غير ما
استأذان أو أحجز ميعاد
الشرنوبى : أنا يا ابنى . أنا تحت أمرك فى أي
وقت
الشباب : رايح ليه .. البلد مفيهاش أى عجز فى
المباني .. الشقق هناك كتيرة من غير

فلوس .. من غير عقود
الشرنوبى : خلاص أرجع .. بلاش أروح
الشباب : الطمع .. الطمع .. البلد إلى أنت فيها
ومحتاجة للمشاركة سايبها بأزماتها ..
ورايح تعمل أزمة هناك فى المدينة
الجديدة .
الشرنوبى : لا والله يا ابنى .. أنا غرضى أخدم ..
البلد الجديدة .. وأهل المدينة الجديدة ...
أنا رايح أسهل لهم جميع الأمور إल्ली
صعبة عليهم ، رايح أساعد فى
تخطيطها .. و ..
الشباب : وأيه .. كمل .. وأيه ؟ أنا فاهمك
كويس عارفك كويس .. أنت أول واحد
هدمنى
الشرنوبى : أنا يا ابنى أول مرة أشوفك !
الدمنهورى : يا ابنى إحنا راحين ..
الشباب : انتوا بالذات مش لازم تروحوا .. البلد
دى لها ناس معينين لهم شروط
ومواصفات .. مش ممكن تكون فيكم
فتحى : يبقى إحنا براءة .. الحمد لله ننزل
الناس دى هنا ونرجع إحنا بالفركوك ..
لأننا مكناش راحين المدينة، إحنا كنا
هنوصلكوا ونرجع ..
الشباب : راجع فين .. الدور عليك ..
الكابتن : الله يكرمك يا حبيبي .. سيبنا بقى
نمشى .. إحنا مرتبطين بمواعيد لازم

نرجع فيها علشان الرحلات الثانية
الشباب : كنت رايح البلد دى ليه ؟
الكابتن : إحنا بنوصل الناس دى للناس إالى هى
عايزاها بنوصل بينهم .. دى خدمة ..
يعنى ده جزائنا ؟
الشباب : لا مش خدمة .. الطمع إالى خلاكم
تعملوا كده
الكابتن : طمع .. طمع أيه يا ابني ؟ !
فتحي : شوف يا أستاذ .. أنا هاقولك الحقيقة ..
والله والله يا أستاذ أنا عمرى ما كنت
طماع . الراجل ده هو اللي طماع
" قاصداً الكابتن " هو الوحيد إالى
يعرف طريق البلد الجديدة ومش عايز
حد غيره يعرف طريقها .. أنا ماكنتش
أعرف أنه كده .. كل همه جمع الفلوس
وبس وبأى طريقة .. الفلوس دى مليش
فيها حاجة .. ولا ملیم .. حتى اسأله ..
أنا كنت طالع معاه علشان أشوف البلد
الجديدة دى إالى حكالى عنها .. والبلد
دى ماحدث كان هيعرف عنها حاجة
لولا الإعلانات إالى طبعها ووزعها
عالناس .. هو إالى طلب منى كده ..
وأنا واحد بالناس زيکوا .. باحلم ببلنى
أعيش فى وسط ناس ذى أهل المدينة
دى
الكابتن : أهلها المخابيل .. ما هو إالى عاوزين

يروحلهم يبقوا مخابيل زيهم .. بقى يا
عالم فيه ناس عايشه بالطريقة دي فى
الزمن ده ؟ كل حاجة لأى حد من غير
أى حاجة !

فتحى : البلد الجديدة كانت هتفضل زى ماهيه

بأفكارها لولا طمعك . أنا طلعت معاك
عشان أتأكد من وجودها .. لأنى لغاية
دلوقت مش مصدق .. ولو طلعت
حقيقة ماكنتش هارجع كنت هاعيش
فيها .. ياما اتمنيت أعيش مع ناس
سمحة معندهاش كراهية ولا طمع ..
ناس نضيضة .. قلبها صافى زى اللبن
الحليب .. صدقنى يا أستاذ .. دى
الحقيقة أنا متفق مع أم الولاد على كده
وسايب لها جواب موضح فيه كل
حاجة ومعاه إستقالتى مجهزها تقدمها
للشركة ، أنا عمرى ما كنت طماع ..
عمرى ما غشيت ولا عمرى سكت
على غش .. أنا قایل لأم الولاد قبل ما
أمشى بانى لو تأخرت تعرف انى لقيت
البلد الجديدة .. ما أنا حاكيها عنها ..
قلتلها تتصرف وتجينى هى والولاد ..
كنت بأدور على مستقبل مضمون
أطمئن فيه عالولاد وأهمهم .. كنا ناوين
نعيش فى البلد الجديدة .. والله دى
الحقيقة .. صدقنى يا أستاذ .. والله

دى الحقيقة

الشاب : " للكابتن " أنت مش عايز حد يعرف
طريق البلد الجديدة غيرك عشان إيه ؟
الكابتن : عشان .. عشان ..

الشاب : عشان مش عايز حد ينافسك .. عايز
تفضل تستغل الناس وتأخذ فلوسها زي
ما انت عايز

فتحى : " للكابتن " أنا طول عمري أقول عليك
هتودينا فى داهية .. أنا كان مالى بس
ومالك .. ما كنت باشتغل كمسرى فى
شركة الأتوبيس ومزاجى عال ..
فضلت تزن على ودانى علشان أسيب
الشركة واشتغل معاك .. لحد ما
اتهفيت فى عقلى وطاوعتك .

الكابتن : بقى كده ! .. الوقت بقيت كوخه ..
ومن شوية كنت عبقرى وأجدع أسطى
فى العالم

فتحى : بقولك إيه .. إبعد عن نفوخى بقى ..
كفاية إالى جوالى من تحت راس
أفكارك ولو كنت أعرف مالأول إن كل
همك الفلوس وبس ماكنتش هلودتك ..
" محاولاً تقليده " تعالى معايا وأنا
هابسطك يا فتحى .. هاديك مرتب كبير
يا فتحى أن كان عندك كلمة عدله قولها
الكابتن : .. هي كانت ناقصاك أنت راحر .. أنا
كنت أنطسيت فى عينى يوم ما اخترتك

تطلع معايا
الشباب : الطمع هو إلى جمعكم .. هو إلى
جأبكوا فى الموقف ده
الكابتن : يا حبيبى ده عقله طاقق ماتسمعلوش
كلام .
الشباب : والفلس إلى خدتها من الناس
الكابتن : ماحدش ضربهم على أيدهم .. الفلس
وملهاش لازمة معاهم .. ومتفقين
معاهم على كده من الأول كمان بقى
إحنا ناويين نبني بها جامع مش كده يا
فتحي ؟ قول كلمة كويسه وكفاية إلى
قولته ..
الشباب : أقف .. " يقف فتحي " إرجع وري ..
إتفضل إقعد يادمنهورى بيه .. إتفضل
يا لولا هانم إتفضل إقعد يا أستاذ كوسه
.. بعد أذك يا أستاذ معمارى .. لو
سمحت .. لو سمحت يعنى .. أقعد
" يستجيبون " تعالى يا كابتن
الكابتن : أخيراً ربنا هداك .. وهنطلع
الشباب : إقعد مكانك من غير كلام " يجلس "
إفتح الباب الخلفى
الكابتن : ليه يا ابني .. مش هنطلع !
الشباب : إسمع الكلام .. ماحدش يحاول يعمل
أى حركة .. أنتم
(يشير للواقفين الشابة ، والشيخ وفتحي)
فتحي : مين .. إحنا .. ؟!

الشباب : هتتزلوا هنا
الشيخ : ننزل هنا.. أين ؟
الشابة : لأ بلاش .. بلاش ننزل هنا .. لو نزلنا
هنا هنموت
الشباب : ماتخافوش .. أنا مش عايز أتخلص
منكم .. أنا باخلصكم منهم .. أنا واثق
من إنكم نضاف أو على الأقل عندكم
استعداد .. بس عندي شك مقدرش
أنكره عشان كده هتتزلوا هنا .. لو
إلى جواكم كويس .. لو نواياكم حسنة
ربنا هيرشدكم للطريق الصحيح .. إحنا
مش بعيد عن البلد ..
فتحي : إزاي داحنا بقالنا ساعتين ماشيين فى
الصحرا
الشباب : لو مشيتوا هتوصلوا .. أنا عارف
المنطقة دى كويس لأنى جيت درستها
قبل كده
الشابة : درستها .. ليه ؟
الشباب : أنا مهندس زراعى جيت هنا قبل كده
مع زمائلى كنا بنفكر نصلح " يراجع
نفسه " مش مهم ، المهم انكوا هتتزلوا
هنا .. واتمنى ربنا يهديكم لطريق البلد
الجديدة الطريق مش بعيد عن هنا ولو
كانت ضمائرکم كويسه هتوصلوا ولو
كانت غير كده هترجعوا بلدكم تانى
وأى عربية تقابلکم توصلکم

" لفتحي " أنزل معاهم
فتحي : أنزل معاهم ؟!
الكابتن : ينزل مع مين .. الراجل ده عهده على
.. مراته سلمتهولي
الشابة : هتنزل معاهم .. يالاً .. إفتح الباب يا
كابتن
الكابتن : ينزل إزاي .. يا ننزل سوى يا انفضل
سوى
الشاب : إفتح الباب لوسمحت " مهددا "
الكابتن : حـا .. حاضر .. حاضر هافتح
الباب

(يفتح الباب)

الشاب : إتفضلوا .. إنزلوا
الشابة : إحنا نازلين .. كنت عايزه أعرفك
كويس .. بس يا خسارة .. معلش ..
يا ريت نتقابل تاني
الشاب : يمكن نتقابل تاني في البلد الجديدة .. لو
لنا عمر " يخرجون " إطلع يا كابتن
على
الكابتن : أطلع فين ؟ ده بعد كده بحر
الشاب : خش جوه البحر ...
— ستار —

الفصل الثالث

المنظر : (نفس المنظر ولكن هذه المرّة فى
قاع البحر .. مع وجود بعض
المؤثرات التى تدل على هذا ..
(الكابتن فى مكانه عند عجلة القيادة)
الكابتن : يابنى الله يهديك الفرّكوك تعب من
العوام فوق الميّة .. إحنا دلوقت نزلين
تحت الميّة !!

الشباب : خليك ماشى تحت الميّة
الكابتن : لا .. ده مايمشيش .. هو بيرقد فى
القاع .. يعنى بيرتاح وبعد كده بطلع
به تانى عشان أكمل عوم
لولا : الله ده السمك رايح جاى حولنا
عبد العاطى : لكن اشمعنى إحنا إلى جيتنا هنا .. أنا
مش فاهم أنت عايز إيه دلوقت ؟
الكابتن : أهه الفرّكوك رسى فى القاع .. قدامه
عشر دقائق وبعد كده لازم يطلع .. خد
بالك لازم يطلع بعد عشر دقائق لأن
جهاز التنفس الأكسجين إلى فيه قليل
ما يكفّش أكثر من كده
لولا : طب شغل التكييف لأنى فعلا حسه
بضيق
الكابتن : ماقدرش أشغل أى محرّكات وإحنا
تحت الميّة
الشرنوبى : خد بالك " للشباب " أنت لو أصريت
على موقفك ده ممكن نموت .. وانت

معانا .. يعنى انت دلوقتى زى إल्ली
بينتحر
لولا : أنا ديخه قوى .. مش عارفه أيه إल्ली
جى لى
الدمنهورى : أيه ! مالك يا لولا هانم ؟
لولا : دماغى .. أه .. دماغى
الكابتن : أيه مالك يابنتى ؟
لولا : " فى توهة " مش عارفه مالى .. أنا
تعبانه قوى .. أنا .. أنا أيه إल्ली جابنى
هنا .. أنا ماعنتش عارفه أنا مين !
الكابتن : يا بني سيبنا بقى فى عرضك .. يعنى
عاجبك إल्ली بيحصل ده ؟!
عبد العاطى : إल्ली أنت عايزه أيه وندهولك .. بس
سيبنا بقى
الكابتن : ده حتى لو سبتنا .. الوقود إल्ली فى
الفركوك الزفت ده مايرجعناش
الشرنوبى : سيبنا بقى كفاية إल्ली أنت عملته ..
سيبنا واحنا ونصيبنا .. يانوصل يا
مانوصلش ..
لولا : " فى إرهاب " لا .. أوعى تقول كده
.. هنوصل .. متقولش مانوصلش ..
مش عاوزة أموت
الدمنهورى : مالك يالولا ؟ " مهندنا " هنوصل إنشاء
الله .. بس اصبرى .. اصبرى يا لولا
لولا : مش قادرة .. أنا حاسة أنى هتخنق
الدمنهورى : أمسكى نفسك أمال .. خليكى صبورة

لولا : اصبرى .. اصبرى .. من أول اليوم

وانت عمّال تقولى اصبرى .. هلصبر

لامتى ؟ لغاية لما نموت هنا ..

نموت؟! " غير مصدقة " نموت ؟ لا..

لا .. أنا مش عايزة أموت

الدمنهورى : الحكاية آيه يا لولا .. انت أعصابك

تعبت كمان ؟

لولا : أنا مش عايزة أموت " لعبد العاطى "

أنا بحب الدنيا " للشرنوبى " أنا عايزة

أعيش " للدمنهورى " .. أنا ضحييت

بحاجات كتير عشان أعيش ، عايزة

أتمتع بالدنيا ، أنا .. لسه صغيرة ومن

حقى انى أتمتع .. أنا حلوة .. مش كده

حلوة قوى؟ مش كده يا دمنهورى بيه ؟

" فى زهق " ولا أنت لك رأى تانى

" للشباب " طب حاول تبصلى .. بصة

واحدة يمكن تفكرنى أنا مش فاكرة

حاجة فى الدنيا .. كللى إالى أنا فاكراه

واللى أنا متأكدة منه هو أنت .. أنت

رفيق .. متقوليش مش انت .. حتى لو

مش انت .. أنا هاسميك رفيق .. آيه

رايك فى الاسم ده ؟ .. أوعى تقول

مش عاجبك .. ده اسم عبقرى .. اسم

حبيبى .. لا مش حبيبى .. لا لا ..

حبيبى .. طالما أنا بحبك تبقى حبيبى

.. مش مهم أن كنت بتحبنى ولا لا..

مش مهم تعاتبنى .. مش مهم تحاسبنى
.. مش مهم اى حاجة .. المهم انى
حببتك .. المهم انى قدامك دلوقت
والمهم انى لقيتك .. أنا بحبك يا رفيق
.. رد على يا رفيق .. إرحمنى ..
إرحمنى .. خلاص إقتلنى .. إقتلنى ولا
تسبنيش أستنى الموت .. أنا مستعدة
للموت بس بشرط .. يكون بإيدك أنت
" تقترب منه "

الشباب : خللى عندك ما تقربيش .. انت اخترتى
سكتك دى .. ماتحاوليش تأثرى على .
ليه يا رفيق .. مش عايزنى أقرب منك
ليه يا حبيبى .. ليه .. ليه

(لحظة صمت .. يتخللها بكاء لولا)

الكابتن : عجبك يا بنى إالى بيحصل ده ؟
الشباب : أنت آخر واحد أسمع صوته هنا ..
الشرنوبى : أنت عاوز أيه بالضبط .. عاوز تتعب
أعصابنا وتقعده تنفج علينا
الدمهورى : حاولنا معاك كتير .. معرفناش أنست
عاوز منا أيه

الشباب : عاوزين تعرفوا أنا جايبكوا هنا ليه ؟
الكابتن : واشمعنى إحنا بالذات إالى صفيت علينا
الشباب : عشان الحساب إالى بينا
عبد العاطى : حساب .. حساب أيه يا أستاذ ؟!
الشباب : الحساب إالى بينى وبينكم وإلى لازم
أصفيه معاكم

الكابتن : دوّخيني يا لمونه .. بالطريقة دي يبقى
مفيش أمل انه يسبنا نروّح
الشاب : أسيبكم .. ! أسيبكم إزاي ونتموا إल्ली
ضيعتوني .. أسيبك يا شرنوبى بيه
أسيبك يا دمنهورى باشا .. ولأ
الأستاذ عبد العاطى ؟! د أنا ما صدقت
أتقابل معاكم
لولا : طب وأنا .. أنا يا رفيق ؟
الشاب : أنا إن سيبتهم كلهم مش ممكن أسيبك
انت .. انت راس الحية. انت إल्ली قتلتينى
(فى انفعال وتهديد)
كل واحد يرمى الحاجة إल्ली معاه هنا
(يشير إلى وسط المكان بينه وبينهم)
الدمنهورى : ما كنت تقول كده يا بنى مالصبح ..
إتفضل " يرمى حقيبتة "
الشرنوبى : وادى شنطتى .. ربنا يهديك " يرميها "
الشاب : وأنت ؟
عبد العاطى : أنا ؟
الشاب : مش ناوى تحط الشنطة إल्ली معاك ؟
عبد العاطى : لأ .. فيها أوراق .. الفلوس أنا شايلها
فى جيبى .. أهى " يرميها "
الشاب : إرمى الشنطة
عبد العاطى : ح حاضر .. أدى الشنطة " يرميها "
(تتحرك لولا وترمى شنطتها)
الشاب : " للكابتن " وانت معاكش حاجة
الكابتن : معايا الفرkok أروح أجيبه وارميه هو

كمان ؟ (نسمع صوت إنذار)
 الشاب : شنطة مين دى ؟
 " مشيراً إلى إحدى الشنط "
 الكاتب : العشر دقائق انتهوا .. صوت الإنذار
 بيقول كده يعنى مفروض أنا نطلع بقى
 الشاب : " فى حدة " شنطة مين دى ؟
 الكاتب : يا ابنى نطلع أول من المئة لاسن
 الفرkok يغرق وأعمل إالى عايزه فوق
 الشاب : " مهدداً " بقول شنطة مين دى ؟؟
 عبد العاطى : شنطتى .. شنطتى .. بس دى مافهاش
 حاجة .. أوراق بس
 (يقوم الشاب بفتح الشنطة)
 فاضية يا أستاذ .. فيها شوية ورق ..
 وفيها ٥٠٠ جنيه فكه فى الجيب
 الصغير مافهاش غير كده وبس ..
 الشاب : فلوسك دى ماتهمنيش "يرميه بالفلوس"
 الله الله ده أكيد مجنون
 لولا : لا يا رفيق .. لا يا رفيق .. ما ترميش
 الفلوس . إلا الفلوس . أنا سبيت كل
 حاجة وضحييت بكل حاجة عشانها
 الشاب : " هالما " هى رمتنى عشان الفلوس
 لولا : أنا .. أنا يا رفيق .. " تقترب منه "
 الشاب : رفيق ! " يقيق " ابعدى .. خليك مكانك
 " مواصلا " سابتنى عشان معايش
 فلوس .. سابتنى عشان الفلوس
 لولا : أنا عندى الفلوس يارفيق .. خدتها كلها

.. كل الفلوس بس إرجعلى ..
 (تبدأ فى جمع الفلوس المبعثرة)
 .. إجمع معايا دى كمان .. دى بتاعتنا
 الشاب : " يخاطبها متخيلها محبوبته " أفى
 مكانك .. انت سبتنى عشان الفلوس
 دى .. لازم تعرفى أن الحاجة إلسى
 انت سبتنى عشانها .. ذيك انت بالطبط
 .. أنا بارمياها .. لأنها كمان مالهاش
 قيمة عندي .. ماتحولش تدافعى عن
 نفسك ولا تحولش تقدمى مبررات ..
 لأنك مش هتلاقى كلام تقنعينى به
 لولا : أبدا . أبدا يا رفيق .. يمكن يكون
 عندك حق فى حاجات كتير لكن
 الشاب : لكن أيه .. هاتقولى حاجة غير إنك
 بتحبى الفلوس ..
 لولا : إسمعنى كويس يا رفيق
 الشاب : انت لازم تنسى ان حياتك كان فيها حد
 اسمه رفيق .. لو ما بطلتيش النعمة
 بتاعتك دى هتكونى أول حد أخلص
 عليه . إنسى رفيق بتاعك ده أنا مش هو
 الكابتن : ياابنى فى عرضك .. سيبنا نرجع
 (يلاحظ حالة الأعياء على جميع
 الموجودين .. بسبب نقص الأكسجين)
 الأكسجين إالى موجود فى الفركوك
 هيخلص .. لازم نطلع على سطح المية
 الشاب : " يقلب فى الشنط " سيد عبد العاطى

الهبور .. رجل اقتصاد .. مدير البنك
الهبورى الدولى
عبد العاطى : يا أستاذ مافيهاش حاجة .. نول تلت
ورقات .. مالمش قيمة
الشاب : " ممسكاً بإحدى الورقات " .. مشروع
إقامة فرع للبنك بالبلد الجديدة .. كافة
التسهيلات للقروض .. المساهمة فى
جميع المشاريع ، يا مجرم " لعبد
العاطى " التضخم إلى عملته فى البلد
عايز تنقله فى المدينة الجديد .. ليه ؟
عبد العاطى : يا ابنى أنا قاصدي أخدم الناس
الشاب : اخرس يا كلب .. " يرمى الأوراق "
الدمنهورى : الله الله .. عيب كده .. مايصحش يا ابنى
الشاب : وانت تطلع أيه يا بتاع فرصة للشباب
.. دى شنطتك ؟ " يفتحها " أيه ده ..
عقود عمل .. كافة التسهيلات ..
للعمال .. شقة طوال فترة العمل ..
تليفزيون ملون .. فيديو .. تلاجة ..
جميع الكماليات .. استعداد تام لقبول
أكبر عدد من العمال المهرة والمدربين
.. ليه .. ليه .. ؟ ما الناس عايشة فى
المدينة الجديدة مرتاحة ، رايح لهم ليه ؟
الدمنهورى : رايح عشان .. أساعدهم
الشاب : رايح تخطفهم .. الناس راضيين بنظلم
مدينتهم .. رايح تعمل شيطان بينهم ..
عايز تاخذ العمال .. وتعمل عجز فى

الأيدى العاملة عشان يرجعوا يحتاجوك
.. ويستوردوا منك بالسعر إالى يعجبك
الدمنهورى : يا ابنى عيب .. أنا ما أقصدش كده
الشباب : اخرس .. أنا ما قدرتش أعيش فى البلد
سيبتكم .. ماكانلش مكان بينكم
الشرنوبى : يا ابنى . أنت لسه ما عشتش الدنيا دى
الشباب : مشروع خاص باستيراد كل ما هو زائد
بالبلد الجديدة الفجل .. وتصدير إليها
كل ما هو ناقص من خضراوات ..
وخلافة من الكوسة والقرع والخيار
والفقس واللبنان .. وجميع لوازم
الشغل .. مع استعداد تام لتنفيذ أي
قائمة سلع خاصة لفخامتك .. جبان ..
عبد العاطى : يا ابنى أنا عايز أقدم المساعدات للناس
الشباب : ومين قالك ان الناس يتعامل بالفلوس
.. أو محتاجة للكوسة واللبنان
عبد العاطى : الكوسة مفيدة .. والقرع كمان منشط
الحركة الدموية ، ولقد ثبت عمليا بعد
إجراء الأبحاث والتجارب أن الكوسة
والقرع تكمن بهما طاقة محرك ..
تساعد على تضاعف النشاط وبالتالي
تضاعف الإنتاج .. والبلد الجديدة
محتاجة للطاقة المنشطة دى .. يا ابنى
الحاجات دى مش معقول البلد تمشى
من غيرها
الشرنوبى : دى شىء طبيعى يا أستاذ .. البلد

الجديدة يلزمها شوية تحابيش ..
والراجل يقصد يخدم البلد
الشباب : يقصد يهدم البلد. لصالح مين؟! لصالح
طعمك . وده أيه كمان مشروع خاص
بإمداد وجبات غذائية خاصة بالأطفال
والتكفل بالتعامل مع المتعهد .. مع
إشراف طبي خاص " يضحك ساخرأ "
عبد العاطي : أيه يا ابني إللى بيضحك .
الكابتن : انت ناقصك الخبرة
الشباب : اسكت .. ماسمعه صوتك خالص
(يلاحظ الإجهاد الشديد والإعياء
وبطئ الحركة على الجميع)
الكابتن : يا ابني ريحني سيبني أخرج بالفركوك
مالمة .. أنا خايف ما قدرش أشغله
بعد كده .. الإنذار عطل من كتر ما
اشتغل .. ولا عدش فيه أكسجين يكفين
دقايق ..
الشباب : (متجاهلا كلام الكابتن) فاضل
جانبك .. أقصد سعادتك " ينحنى
للشربوبى " مش دى برضة شنطتك ..
أسف قصدى دى شنط سموك ؟ يا ترى
فيها أيه ؟
الشربوبى : هاقولك .. ماتفتحهاش وأنا هاقولك
عاللى فيها ..
الشباب : " يفتحها " الشربوبى الشرقان ..
مقاولات خاصة .. إنشاء عمارات

وأبراج سكنية لكافة المستويات ..
الشعبي والفاخر واللوّكس .. يا راجل
حرام عليك .. البلد كلها واحد كل
المساكن إल्ली فيها زى بعضها .. مش
عاملين فرق بين أى مواطن .. مفيهاش
طبقة

الشرنوبى : غلط .. غلط يا أستاذ .. لازم يكون فيه
مستويات .. لازم يكون فيه تمييز

الشباب : انت مالكش مكان هناك رايح لهم ليه ؟
الشرنوبى : أنا يا أستاذ .. رايح أشتغل .. رايح
أشتغل وأساعدهم

الشباب : رايح لنفس الغرض .. إغراءات لسحب
العمال .. إتساع رقعة الأطماع .. فرع
جديد للشركة .. مش مكفك فروعك
في كل بلد .. شركة الشرقان للمقاولات
الشرنوبى : يا أستاذ أنا بـ أساعد فى حل أزمة
الإسكان

الشباب : عندك كام شقة ؟

الشرنوبى : طبعاً شقة واحدة

الشباب : كذب !!

الشرنوبى : هما شقتين مفتوحتين على بعض ..
يبقى شقة واحدة

الشباب : وشقة فى كل بلد * غير العمارات
الخاصة والشاليهات المجهزة
للاستعمال الشخصى .

الشرنوبى : يا أستاذ .. دى حاجة عشان الأولاد

الشباب : والمعارف ؟
الشرنوبى : شىء طبيعى .. أى واحد يقصدنى مش
معقول أكسفه
الشباب : أى واحد ؟
الشرنوبى : لا طبعاً .. أمّا يكون واحد حبيبنا
نخدمه
الشباب : وأنا !! لو واحد زى حالتى ؟ !!
الشرنوبى : أنا تحت إمرك .. أنت لو كنت حبيبتى
يا أستاذ أنا كنت شفتك مالأول وعلى
أيه .. إحنا فيها . إتفضل " يخرج من
جيبه ورقتين " عقدين أهم .. وكمّان
أوقعك عليهم ، شقة تصيف فيها ..
وشقة تشقى فيها فى نص البلد ..
إتفضل .. إتفضل يا أستاذ
الشباب : " مستكراً " أسلوب رخيص .. يا ريت
البلد تتخلص منكم .. أنا مش ممكن
أسبيكم ترجعوا تانى .. بقى مش
مكفيكم إالى عملتوه فيها وراحين
تدنسوا البلد الجديدة .. " ينظر للولا "
وأنت يا لولا هانم يا ترى راحه ليه ؟
" يفتح شنطتها " عقد شركة تضامن
كل من السيدة لولا والسيد .. مكان
فاضى .. على إقامة وإنشاء ملهى ليلي
.. ملهى لولا الليلي .. وطبعاً أى ممول
يوقع .. طبعاً أى واحد هيووقع ..
مشروع مربح .. والمغفلين كتير ..

أسف المحترمين كثير .. إختارى
يا لولا هانم .. عندنا ثلاثة أهم .. وليه
ثلاثه .. الكابتن كمان موجود ..
إختارى واحد منهم .. إختارى ..
هساعدك أنا .. أنا شايف أن
الدمهورى بيه مناسب .. عنده استعداد
يعنى " للدمهورى " إيه رأيك يا
دمهورى بيه ؟

الشرنوبى : يا ابنى والله أنا شايف إن الغرض
شريف .. ترفيه للناس .. وعشان كده
فأنا عندى استعداد تام .. ثروتى تحت
أمرك يا لولا هانم

الشاب : راس الحية .. راس الحية لازم تنقطع
.. وراسك أنت كمان " للكابتن "

الكابتن : أنا .. أنا يا ابنى ذنبى إيه ؟ !

الشاب : أنت إالى جيبتنا هنا .. طمعك سيطر
عليك شل تفكيرك .. ما عرفتش تميز
الخير مالمشر .. فضحت سر المدينة
الطاهرة .. لميت نجاسة البلد من غير
ما تميز وعرفتهم طريقها عشان تكسب
من وراهم

الكابتن : ياابنى أنا ... " متلعثما "

الشاب : ماتقولش ابنك .. أنت للأسف بالرغم
من أنك حققت إنجاز كبير ما يحققوش
أى مخترع بسهولة .. إلا أنك عايز
تستثمره لنفسك بس .. مش عايز الناس

تستفيد من اختراعك ده " قاصدا
الفركوك "

الكابتن : عندك حق .. أنا فعلا كنت غلطان
" محاولا مجارته فيما يريد " بس سبينا
نرجع وأنا أوعدك بأنى هصلح غلطتى
الدمنهورى : يا حبيبى إحنا خايفن عليك .. فكر معنا

انت كده هتودى نفسك فى دهيه .. لو
مارجعناش دلوقت الناس فى البلد هتقلق
علينا وإحنا مش عاوزينك تضر بسببنا
الشاب : مالتاحية إطمن .. ماتخافش محدش
هيبغ .. لأن إالى جايين معنا اتفقوا
على أنهم جايين ولا هيرجعوش ..
يعنى ماحدش هيقلق عليكم

الدمنهورى : لكن بالنسبة لى أنا وعبد العاطى
والشرونوبى بيه ؛ مؤكد كنا متفقين مع
شركاتنا على اننا نرجع ولو حاولوا
يوصلوا لنا هيوصلوا

الكابتن : مهي دى المصيبه .. أنا خط سبرى
مش ممكن حد يتبعه .. يعنى ماحدش
يقدر يوصل لنا .. كان كل إالى يهمنى
ان ماحدش يقدر يتبعنى .. ما عملتش
حساب موقف زى إالى إحنا فيه ده

الشاب : طمعك خوفك من أن حد يعرف طريق
البلد غيرك .. كنت عاوز تستغل الناس
لوحدك

الدمنهورى : يا حبيبى إحنا ماعدناش قادرين نتكلم ..

هنتخـنق

عبد العاطى : يا أستاذ .. احنا بس عملنا فيك أيه ؟
الشاب : عملتوا فى أيه !! انتوا دبـحتونى
قتلتونى فى بداية حياتى .. وقفنوا فى
طريقى .. ضيقنوا على فرص العمل
ما كانش ممكن أكون نفسى .. كان
لازم أبقي زيكوا عشان أقدر أعيش
عشان أبقي إنسان طبيعى .. أتجوز
ويبقى لى بيت وشقة .. أفرشها
بالموبيليا والكماليات وأزينها بالعروسة
.. بس يا خسارة منين .. وإزاي ..
ضيقنوا على الدنيا ولما ظهر الحلم ..
البلد الجديدة .. فرحت قلت خلاص
هاعيش زى ما انا عاوز .. قلت لها
نروح هناك نعيش فى وسط الناس
الطيبين .. كلنا زى بعض .. رفضت
تيجى معايا .. ما عجبتهاش البلد الجديدة
.. قالت أنا لازم أعيش فى مستوى
فوق .. لازم أكون مميزة عن الناس ..
عاوزه تبدأ من فوق .. زيكوا بالظبط
.. معطتوهاش فرصة تفكر .. ضيقنوا
على الخناق أكثر .. اتقدمتلها أنت
وطلبت ايدها .. وأنت خطبتـها ..
وأنت وأنت واتجوزتوها كلكم
(ينهار لحظات يفيق على
أثر تحرك الآخرين)

إنما لأ .. الفرصة جتتى ولازم أنتقم
منكم .. لازم أخلص عليكم وأطهر البلد
منكم .. مش لازم توصلوا البلد الجديدة
وتتجسوه .

لولا : اسمعنى يا رفيق .. أنا هعوضك عالى

ضاع منك .. هاديك إالى أنت عاوزه

الشرنوبى : والعقدين بتوع الشقق أهم يابنى

الدمنهورى : والموبيليا هتيجى لحد عندك .. إدينى

أنت العنوان . ومالكش دعوة .

عبد العاطى : وده شيك بـ ١٠٠ ألف جنيهه

حطهملك فى البنك باسمك

الكابتن : ولك على يا سيدى أزفك بالفركوك

الفتنازى بتاعى .. والفك فى رحلة

للعالم كله

لولا : رفيق يا حبيبى .. ماتتتهورش ..

متعملش حاجة تندم عليها .. زى ما أنا

بندم دلوقت .. أه ندمانه .. أنا

باعترفك أنى غلطت فى حقك ..

غلطت يوم ما سبيبتك وجريت ورا

الفلوس .. اخترت السكة الغلط ..

السكة إالى وصلتنى لسيدة مجتمع .. أو

بمعنى تانى صاحبة كباريه .. أنا

عارفه أنك بتكرهني .. لكن متأكده من

أن إالى يحب ما يكرهش .. أنت بتكره

فى لولا وبتكراه كل واحدة اسمها لولا

.. أنا من دلوقت هارجع لىلى .. لىلى

البسيطة إلى هتسعدك .. إلى بتحبك
.. هاديك الحنان إلى غاب عنك ..
صدقنى يا رفيق أنا يمكن كنت ناوية
أروح البلد الجديدة .. عشان أحلام
لولا .. عشان أستفيد من كل حاجة ..
لكن لما شوفتك اتهزيت من جوي
شريط علاقتنا كله مر قدامى فى لحظة
.. وعرفت أن كل فلوس الدنيا ما
سوتش لحظة سعادة عشتها معاك أنا
مش مصدقة أنى لقيتك .. ومش ممكن
أسيبك تروح منى تانى هامتلك بكل
حاجة .. هاديك الفلوس اللى عندي
هاقل الملهي .. هابقى بتاعتك لوحديك
بس أرحم نفسك .. وإرحمنى يا رفيق
.. " تقترب منه " أنا يا رفيق بادور
عليك من زمان .. ماتسبنش .. أنا
باحبك باحبك ..
(يتحرك المقاتل أثناء حديثهما إليه
ويضربه من الخلف .. فيسقط
المسدس من يده)

الشرنوبى : تعبتنى يابن الـ مجنون
(يلتقط المسدس م الأرض)
الكابتن : لازم نخلص منه
عبد العاطى : إلى زى ده لازم نخلص المجتمع منه
الدمنهورى : كان لازم يكون فى مصحة
الكابتن : يا لآ يا جماعة .. خلصوا عليه .. ما

حدش ها يعرف حاجة عنا .. قوام يالا
 عشان نرجع
 لولا : لا .. لا .. ما حدش يضربه " تحتضنه "
 ده حبيبي
 الدمنهورى : انت حصلك ايه يا لولا .. ما كنت
 عاقلة .. كدبتى كذبة وصدقتيها
 (يقوم المقاول بإطلاق الرصاص
 ع الشاب فتصرخ لولا وترتمى بجانيه)
 الشرنوبى : يالا يا كابتن .. دور الفرkok الفتنازى
 بتاعك
 لولا : قتلته .. قتلته يا مجرمين
 الكابتن : بس الوقود مش هيكفى يوصلنا
 لولا : دانا ما صدقت لقينه
 عبد العاطى : وصلنا على قد ما تقدر وبعد كده
 نتصرف
 لولا : دانا ما صدقت انى لقينه " تندب "
 (الثلاثة يقومون بجمع الأوراق
 والحقائب .. والكابتن يتجه ناحية
 عجلة القيادة)
 الدمنهورى : لازم نوصل البلد دى
 عبد العاطى : لازم أحقق نجاح بالمشاريع بتاعتي ..
 البلد دى فرصه وجتلى
 الدمنهورى : يالا قومى معايا يا لولا .. أنا إالى
 همولك الملهى بتاعك
 لولا : " فى نحيب " قتلته ليه ؟
 الدمنهورى : ملهى لولا السياحى .. العقد معايا أهه

.. قومي يا لولا
لولا : ليه تقتلوه .. ليه .. ده معملهاش ..
مقتلش حد ولا كان في نيته انه يقتل حد
الكابتن : كفاية بقى .. أنا لا اكتشفت بلد جديدة
ولا غيره .. ولا عمرى خرجت بره
الحدود .. عمرى ما سافرت بلد تانيه
الدمنهوري : أنت بتقول أيه يا كابتن .. ياسك هو
إللى بيخليك تقول كده
الكابتن : هي دى الحقيقة صدقوني .. خلوني
أتكلم وارتاح .. طول ما أنا واقف
وياكم وأنا مش مرتاح .. خلوني أقول
إللى مخبيه .. أنا مافكرتش أنى هوصل
للحالة دى ولا للموقف ده .. الجدع
إللى موتناه ده هو إللى اضطرني لكده
.. هو إللى اضطرني أعوم بالفركوك
في البحر .. ماكانش قدامى غير كده
.. الفركوك تعب مالعوم .. كلن لازم
يغوص تحت الميَّة .. " فاقداً للأمل "
كان كل ماينزل لتحت قلبي كان بنزل
معاه .. كنت بـ احس بانه مش هيطلع
تانى .. كنت حساس بانه بيغرق
الشرنوبى : " رافضاً تصديق ما سمعه " انت كذاب
.. بتقول كده لأنك مش عارف تتطلع
.. اسمع يا كابتن إحنا معاك .. حلول
تانى .. هنساعدك .. قلنا على أى
حاجة واحنا هنعملها معاك .. بس

ماتستسلمش حاول تانى
الكابتن : يا جماعة صدقونى هى دى الحقيقة
عبد العاطى : حقيقة آيه إالى عاوزنا نصدقها
الدمنهورى : أمال أنت كنت ناوى توصلنا فين ..!
أتكلم .. ساكت ليه
الكابتن : " مترددا " كنت .. كنت ناوى أنزلكوا
فى جزيرة وكنت هارجع ..
الشرنوبى : ما تستسلمش .. انت مخترع كبير
الكابتن : بلا مخترع بلا كلام فارغ .. أنا طول
عمرى ميكانيكى فى شركة الأتوبيس ..
واشتغلت شوية فى ميكانيكا السفن
وشوية فى ميكانيكا الطيارات .. كان
مالها شغلتي .. آيه إالى يخلينى أفكر
فى الاختراع الزفت ده ..
الدمنهورى : تقصد آيه ؟
الكابتن : مالى أنا ومال البحر .. عمرى ما كلن
عندى فكره عن البحر ولا عن
الغواصات .. إيه إالى يخلينى أطوّر
الفركوك .. فيه قطع غيار كتير كانت
لسه ناقصة ولا كملتهاش .. كمان ..
كان مفروض أجربه قبل ما اطلع
الدمنهورى : لهو أنت ما شغلتهوش قبل كده ؟!
الكابتن : شغلته قبل ما أطوّر
عبد العاطى : يعنى ما نزلتش به قبل كده تحت المية
الكابتن : لا جربته فوق المية ولا تحت المية
الشرنوبى : لكن انت قولتلنا غير كده .. انت قولت

انك روحك به البلد الجديدة وان
 المفروض ان السكة الى انت ماشى
 فيها هي السكة الى روحها قبل كده ..
 مش ده كلامك ؟ .. قولت انك اكتشفتها
 الكابتن : " مرتبكاً وفي اعياء " أنا .. أنا .. أنا
 الجميع : انت .. انت أيه .. أنطق ؟
 الدمنهورى : يعنى أيه .. هنموت هنا ولا أيه ..
 الكابتن : ربنا يستر .. الجهاز بتاع تقويم
 الفر كوك ورفعته من تحت المية مش
 شغال .. كل ما اشغله يفصل ..
 الدمنهورى : يادى المصيبة .. لأ فى عرضك .. خد
 كل الى انت عايزه بس طلعنا من هنا
 عبد العاطى : " مترنحا " خرجنا من تحت المية
 بسرعة .. مش قادر أتحمل .. هتخنق
 .. اسمع .. خد كل الى معايا ..
 الجاكيت بتاعى أهه " يخلعه " خده ..
 أنا كنت مخبى فيه اتنين مليون .. خده
 بالفلوس الى فيه بس خرجنى من هنا
 .. خرجنى من هنا
 الشرنوبى : حاول يا ريس .. حاول .. حاول فى
 عرضك .. رجعنا تانى خد كل الى
 معانا ورجعنا تانى .. مش ضرورى
 تودينا البلد دى .. بس انجدنا
 الكابتن : إنجدونى انتوا .. فلوسكوا معاكوا أهى
 .. خدوها كلها .. بس .. طلعونى من
 هنا .. طلعونى من هنا

الدمنهورى : أنت بتقول أيه .. عاوز تقول أيه ؟
الكابتن : بقول طلعونى من هنا .. أنا أستاهل كل
إلى حصى .. أيه إلى أنا خذتوه
الوقت .. نابنى أيه من كل ده
الدمنهورى : لا يا ريس أوعى تتهار .. ما تقولش
الكلام ده .. بلاش تياس
(الكابتن يحاول تحريك الفركوك
وتشغيلة لكنه يفشل)
عبد العاطى : هو فيه أيه ؟
الشرنوبى : ما بيدروش ليه يا كابتن .. ؟
الدمنهورى : أيه إلى حصىك يا لولا .. ؟
(يحاول تشغيل الفركوك مرة ثانية)
الكابتن : مش عاوز يشتغل ..
(يلتف حوله الشرنوبى وعبد العاطى
فى محاولة لمساعدته ..)
لولا : إمشوا من هنا يا كلاب .. أنا هاقعد
معه هنا
الدمنهورى : هتقعدى معاه هنا فىن بس يا لولا هانم
لولا : هاقعد أستاه .. لمأ يصحى هـ اخده
ونروح سوى
الدمنهورى : لا .. دى بينها اتجننت .. " يتركها "
وصلت لأيه يا كابتن ؟
الكابتن : سيبونى مش عاوز حد يتكلم معايا
دلوقت
عبد العاطى : " مقاوما الاختناق " فيه أيه يا كابتن ؟
الكابتن : بلا كابتن بلا زفت بقى .. الفركوك

عطل

الشرنوبى : ماتقولش كده يا كابتن .. حاول
الدمنهورى : عطل إزاي ؟! أكيد فيه حل .. إتصرف
الكابتن : " صارخا فيهم " .. بقلكوا عطل ..
لولا : يعنى مافيش بلد جديدة " تضحك في
هستريا " ؟!

الكابتن : يا اختى بلد أيه إالى بتقولى عليها ..
وهو انتوا ماعندكوش عقل .. هو
معقول يكون فى العالم حاجة بالشكل ده
الكابتن : يا ابن الكلب .. كنت بتضحك علينا ..
(كل منهم يقترب منه فى تفاؤل
لمحاولة النيل منه)

لولا : اصحى يا رفيق .. اصحى يا روقه
اصحى شوف البلد الجديدة .. طلعت
كديه " تضحك " لا .. لا .. مش كديه لا
الكابتن : " محاولا الإفلات منهم " بقولك أيه ..
قبل ما تحاسبونى حاسبوا نفسكوا ..
إنتوا لكوا عندى أيه غير فلوسكوا إالى
دفعتموها .. أهى .. وفلوس الناس إالى
نزلت أهى هى كمان .. خدوها كلها
.. بس طلعونى من هنا .. أنا مش
عاوز أموت هنا .. مش عاوز يكون
الفركوك هو القبر إالى فحرتة لنفسى ..
مش عاوز أكون اخترعته عشان إدفن
فيه

لولا : وطى صوتك .. رفيق يصحى ..

الكابتن : يا ست انتى كنتى كماله بختى
لولا : أوعى تقوله .. أوعوا حد منكوا يقول
ولا يتكلم بصوت عالى . أو يعرفه بان
البلد دى كدبه .. أوعوا رفيق يعرف
ليزعل .. أنا مش عاوزاه يزعل من
أى حاجة .. والنبي ماحد يقول قدامه
كده .. أنا عارفاه كويس .. لو عرف
يمكن يروح فيها .. خلوه نايم ع الأمل
.. نام يا حبيبي .. احلم احلم يا روقه
.. احلم يا حبيبي بالبلد الجديدة .. نام
نينه هووه .. هووه نينه هووه

(يلاحظ تخبط الأفراد تحت تأثير
النقص الشديد فى الأكسجين .. الكابتن
ينهار ويضرب بيده على عجلة قيادة
الفركوك .. مؤثر موسيقى قلق ..
الإضاءة تخفت رويداً رويداً .. تبدو
الشخصيات أماناً أشباح فى نفس
الوقت تبدأ إيقاعات الموسيقى فى
البطم رويداً رويداً حتى تصمت)
— تسدل الستار تدريجياً —

تضاء صالة المتفرجين إضاءة طبيعية
.. يدخل على المتفرجين شخصيات
مشابهة تماماً للكابتن والشرنوبى
والمنهوى وعبد العاطى مع
الاختلاف فقط فى الملابس وجميع هذه
الشخصيات تحمل إعلانات ولافتات

تعلن عن مدن أخرى جديدة
كابتن آخر : قرب يا بنى أنت وهو .. قرب قرب ..
إلى عاوز يروح البلد إلى هي .. إلى
عاوز يروح بلد الأحلام ..
(الشخصيات الأخرى الموجودة فى
صالة المتفرجين تمارس ما يقوم به
الكابتن الجديد مع الاختلاف فى بعض
مفردات الكلام)

— ترفع الستار —

خشبة المسرح مضاعة إضاءة طبيعية
.. نرى لافتات مختلفة فى أكثر من
مكان .. واحدة تحمل شركة الفنتازى
للسياحة وأخرى تحمل شركة الفر كوك
للتسفير ، وثالثة تتوسط خشبة
المسرح تحمل " شركة الفر كوك
الفنتازى فى ثوبها الجديد بعد نجاح
رحلتها الأولى "

شخصيات تنادى بهذه المدن وتلقى
المتفرجين بإعلانتها وتعلن عن
رحلاتها ومنهم من ينزل من خشبة
المسرح إلى المتفرجين والعكس من
الصالة إلى خشبة المسرح ..

أصوات : إلى عاوز يروح البلد الحلم .. البلد
إلى هي .. البلد إلى مافهاش مشاكل
.. كل حاجة فيها ببلاش ..

من أعمال المؤلف

مسرحيات طويلة : فندق الحياة ، المدينة الجديدة ،
متشبوكشى شوك ، نتاج الخوف ، حالة كساد ، الليلة نعلم
مسرحيات فصل واحد : العيادة الأميرى ، قرار إزالة ،
صراع داخلى ، إنتبهوا أيها السادة للسيدات ، كلاييت
كمان مرة ، والصنف جاهز للمعاينة ، يعرفون كيف
يأتون إلينا ، التوهة ، حفلة على شرف فلوطة ، تعبنا ،
شئون صغيرة ، الدرس .

مسرحيات عن نصوص أدبية : حكاية من الشط ، أغنية
العصفور والأسد ، عصافير خضراء ، أوراق خاصة .
إعداد وإعادة صياغة :

الكلمات المتقاطعة لنجيب سرور ، كاسك ياوطن للماغوط
مسرح للأطفال : محاكمة عم عزيز ، دعوة للحب ، حلم
فصيح ، عم لوز والأراجوز ، عم عارف دايرة معارف ،
دقدق فى مدينة الشمع ، بلدة القمر .

حكايات للأطفال : بلدة القمر ، المحاكمة .

أشعار بالعامية : مولد ، بلدنا والكلمة .

دراسات : واقع الديموقراطية فى الوطن العربى بين
التطبيق والتنظير ، طاهر أبو فاشا .. حياته وأثاره .

فهرست

۵	إهداء
۶	تقدیر
۹	عصافیر خضراء
۲۵	أوراق خاصة
۴۳	المدينة الجديدة

صدر عن سلسلة إصدارات الرود

١	غنوة شوقياته - شعر	النبوى سلامة
٢	الخيول - شعر	سمير الفيصل
٣	رواية أخرى - قصص	محمد الشربيني
٤	شاعر الفلاحين - دراسة	كامل الدابى
٥	شبابيك - شعر	مجدى الجلال
٦	كلام للطيبين - شعر	محمد العنتر
٧	تعالى نغنى - شعر للأطفال	محمد أبو سعده
٨	رباعيات - شعر	السيد الغواب
٩	المألوف والمحاولة - قصص	مصطفى الأسمر
١٠	صدري تسكنه غابة - شعر	فكرى العنتر
١١	البحث عن عاشور الناجى - دراسة	مصطفى كامل
١٢	مسافر يابحر - شعر	محروس الصياد
١٣	ع الرصيف - شعر	كامل الدابى
١٤	رباعيات وأغاني - شعر	السيد الغواب
١٥	أصداء من رياح العشق - شعر	مصطفى العليدى
١٦	الحمار والتوتة - شعر	السيد الغواب
١٧	حمل الزمان أكبر - شعر	عبد العزيز حبه
١٨	ورد الجنينه - شعر للأطفال	هاله المغلاوى
١٩	صيف مع سبق الإصرار - مسرح	عماد الديب
٢٠	أنا وحمارى - شعر	السيد الغواب
٢١	ورود - شعر	هالة المغلاوى
٢٢	محاكمة - شعر	السيد عامر
٢٣	رباعيات الغواب - شعر	السيد الغواب
٢٤	شعر العامية فى دمياط - شعر	مجموعة
٢٥	القصة فى دمياط - قصص	مجموعة

٢٦	انتبهوا أيها السادة للسيدات - مسيح	ناصر العزبي
٢٧	الجنين في شهره الأول - قصص	عوض عبد اليازق
٢٨	تنويع على فعل - شعر	محمد سالم مشتي
٢٩	إندهش البلتاجي فمات - رثاء	مجموعه
٣٠	قصيدة سانجة - شعر ورثاء	د. حسام أبو صير
٣١	الحاجز البشري - قصص	فكري داود
٣٢	عناقيد - شعر	أحمد راضي
٣٣	عروس البحر - للأطفال ورثاء	حامد أبو يوسف
٣٤	أولاد البحر أولاد نوح - قصص	حلمي ياسين
٣٥	لحظة ميلاد - شعر	أحمد الشريبي
٣٦	يعرفون كيف يأتون إلينا - مسرح	ناصر العزبي
٣٧	ريحه الحنه - شعر	سمير الفيل
٣٨	حارة النفيس - راوية	محمد العتر
٣٩	نقش له في ذاكرتي - شعر	عفت بركات
٤٠	انتفاضة ترعاها السماء - مسرح	عبد العزيز إسماعيل
٤١	مواويل دمياطية - دراما	عبد العزيز حبه
٤٢	وجوه مفسدة - قصص	عابد المصري
٤٣	هارموني - شعر	ضاحي عبد السلام
٤٤	دراسات نقدية حول إبداعات دمياط	د. مجدي توفيق
٤٥	ذوب البنفسج - شعر	وأخرون
٤٦	أشعار للطفولة - للأطفال	عثمان خليل
٤٧	ناعسة وأنا - شعر	محمد أبو سعده
٤٨	مساحة بلون الشمس - قصة	السيد عامر
٤٩	المنتخب من باب أحوال الراعية - شعر	محمد شمع
	ساعة العناق - شعر	محمد الزكي
		سيف بدوي

٥٠	انفجار الروح - شعر	سامح الحسيني
٥١	دقات قلبي ياوطن - شعر	محمود العباسي
٥٢	تأملات نقدية - دارسة	مصطفى كامل
٥٣	مواجهات - حوارات	سمير القليل
٥٤	شوية كلام - شعر	كامل الدابي
٥٥	نغيشة - شعر	محمد العتر
٥٦	فارس البحر - شعر	محروس الصياد

رقم الإيداع

2000 / 3088

إصدارات الرواد

دار الصياد للطباعة ت : 329459